



# ШЫН

НИИТИЛЕЛ-ПОЛИТИКТИГ СОЛУН

1925 чылдың  
август 31-де  
үнүп эгелээн

№ 118 (16576)

2002 чылдың  
октябрь 12,  
СУББОТА

Ат салган шагы 20.30  
Садар өртгээ 4 рубль.

## ӨСКЕРИЛГЕЛЕР КӨСТҮП КЕЛГЕН

**Агроүлетпүр комплекзиниң хүндүлүг ажилдакчылары!**

Көдээ ажил-агый болгаш болбаазырадыр үлетпүр ажилдакчыларының профессионал байырлалыга холбаштыр Силерге сагыш-сеткилим ханызындан байыр чедирдим!

Бистиң бурунгуларывыс чер ажилының, тараажының, малчынның мергежилдерин хүндүлөп чорааннар. Чүге дизе элбек дүжүттү ажаап алырындан, мал бажын өстүреринден бистиң келир үевис улуу-биле хамааржыр. Шилчилге үе-чадазында бергелер турза-даа, республиканың көдээ ажил-агый болгаш болбаазырадыр үлетпүр хөгжүлдесинде эки талаже өскерилгелер көстүп турар: сөөлгү он чылдарның дургузунда арат ажил-агыйлары идепкейлиг хөгжүп, көдээ ажил-агый продуктулары болбаазырадыр бүдүрүлгелер чедишкенин ажилдап турар апарган. Ылаңгыя Барыын-Хемчик, Улуг-Хем, Эрзин,

Тес-Хем кожууннарда малдың бажы өзүп турар. Республиканың ажил-агыйларында сүт саалдазы өскөн, бо талазы-биле эки түңнелдерни Таңды, Бии-Хем кожууннарның көдээ ажил-агый бүдүрүлгелериниң ишчилери чедип алган. «Кызыл» куш фабрикасында продукцияның хемчээли өскөн. Тожу, Мөңгүн-Тайга, Таңды, Чеди-Хөл, Кызыл кожууннарның бүдүрүлгелери эът бүдүрериниң өзүлдесин чедип алган. Силерниң маадырлыгы, ак сеткилдиг күш-ажылыңарның ачызында ыңдыг түңнелдерни чедип алган бис.

Силерге болгаш чоок кижилеринерге сеткил-сагыжым ханызындан быжыг кадыкшылды, кышты эки эрттиргеш, хөй чаш малды алырын, аас-кежиин, чаагай амыдыралды күзөдөм.

**Тыва Республиканың Чазак Даргазы  
ШООРЖАК**

## Редакцияның аалчызы

**Николай АЛДАЧЫ:**

# БЕРГЕЛЕРДЕН — ЧААРТЫЛГАЖЕ



Көдээ ажил-агыйның чамдык удуртукчуларының санап турары-биле алырга, рынок экономиказының тевин кожуун бүрүзүнде көдээ ажил-агыйның ийи-үш бүдүрүлгези шыдажып эрткен. Ооң-биле чергелештир барык суму бүрүзүнде мал-чер ажилының чаа ээлери хевирлеттинип орат. Дөзевилей алырга, эрткен сөөлгү каш чылдар «дывлагаан те» дег болган. Шак ыңдыг кадык-бергелерде яамыны бир каш сайыг удурткаш, бодунун «холунун үжүүн» арттырган. Бистиң бөгүнгү аалчывыс көдээ ажил-агый болгаш аш-чем яамызының амгы сайыды Николай АЛДАЧЫ.

Тараа дүжүдүнүн ажаалдазы дооступ, мал кыштаг-лаашкынының белеткелиниң эң түлүктүг бөгүнүнде бистиң корр. Аралчор ОКСУР сайытка ужурашкаш, чер болгаш мал ажилында ажил-ишчилерниң амгы, келир үелеринге хамаарыштыр тайылбырны «Шынын» номчукчуларынга кылып бээрин дилээн.

—Республика мал ажилы колдаан девискээр болуп турар. Чер ажилы-биле ол бир баг. Бистиң сүлдө-демдээвис, сагызынывыс база мал-биле тудуш. Демдегепки дег чүүлдер болза, дүжүт ажаалдазы адалталып ор. Элээн күш четтинместээн, бергедешкен Сүт-Хөл кожуунун тараажыларына дузаламчы кылдыр немелде күштү организаствыс. Ооң-биле кожа черлерниң тараа ажаакчылары оларда дузалажы берди. Чаа-Хөл кожуунун «Шаңчы» колхозунун девискээринде элээн каш арат ажил-агыйлар тараа өстүрген. Тараалан девискээрлерден дүжүт ажаап алырының арга-хевирлерин кожууннар чагыргаларының көдээ ажил-агый эргелелдери

керээлер езугаар чоруда бергени чүүлдүг.

Эрзин, Тес-Хем кожууннарның, өске-даа черлерниң ажил-агыйлары агаар-бойдустун таарымча чок болганындан мал чемнерин курлавырлар, сизен белеткеп алыр талазы-биле бергелерге таварышкан. Керээлер, кады, бир дем-биле ажилдажылгаларга үндөзилеп, организаствыг чамдык хемчеглерни чоруттувус. Чамдык кожууннарның девискээри тараа, мал чемнери, одар-белчири-биле курлавырларлыг болгай. Чижээ, Таңды кожууну бергелерге таварышкан кожууннарга кыштаг, одар-белчирилери ажыглап болурун демдегеп турду. Ол ээ көрүүшкүндө чүгле ажил-агыйжы эвес, тала-дугай хараан, кижизиг чоруктарның демдектери бар.

Өске черлерже түр көжери, аңаа чаңчыгары нарын, билдинмес талаларлыг. Бо талазы-биле дуржулга мөөңнеттинмээн. Көдээ ажил-агый эргелелдери, суму чагыргалары, ында көдээ бүдүрүлгелер, мал ээлери бо күс, кыш дургузунда шилиттинген,

хынаттырган арга-хевирлерни ажиллаар. Ол дээрже мал чемнериниң, сизен-ширбиштин курлавырларын керээ аайы-биле ажиллаары. Хүн ийис, харылзаалар ооң-биле кеди-шынарлыг.

Орук-чири кадыр-берт-даа болза, тус черниң уксаазын эрткен буураашкында безин камгалап шыдапкан малчыннар, мал ээлери бар. Балгазында, Туранда көдээ ажил-агый бүдүрүлгелеринде эвес, ол дугайын катаптап-даа болур: республиканың кадыр-берт черлеринде шыдамык, күш-ажылгыр болгаш тудунгур-кавынгыр чоруу-биле мал бажын барык хевээр артырып алган, чаңгыс-даа кыштаг, хонаш-турлаг күш-ажылчы туруштан уштунуп үнмээн көдээ бүдүрүлгелер бар.

Мен бо удаада чер ажилы, ооң технологиязының дугайында кол болгаш чугула айтырышларга доктаар бодавайн тур мен. Чаңгыс сөс-биле алырга, боттун тус черге тааржыр үрезини чокта, дүжүт өстүрери барык болдунмас. «Колос Сибири» солунга ол дугайында кыска тайылбырны бо чылдың август 15-те кылган мен.

(Төңүзү 2-ги арында).

Байыр чедирген телеграмма

## Беримчелиг үе-чаданың хөгжүлдесинче

Хүндүлүг Шериг-оол Дизи-жикович!

Көдээ ажил-агый болгаш болбаазырадыр үлетпүр ажилдакчыларының профессионал байырлалы-биле Силерге байыр чедирбишаан, девискээрге агро-үлетпүр комплекзиниң бүгү ажилдакчыларынга мээң өмү-нээмден байыр чедиреринерни диледим!

Сөөлгү он чылда АУК-түн үлүүнге эвээш эвес бергелер таварышкан. Ынчалза-даа агро-үлетпүр комплекзи ол шылгалдаларны төлепти-биле ажып эртип, аш-чем продуктулары-биле чурттун чонун хандырап сорулгазын күүседип турарын бүзүрел-биле чугаалап болур бис. Каш чыл улаштыр көдээ ажил-агыйның болгаш болбаазырадыр бүдүрүлгелерниң ажилдакчылары нити продукция бүдүрерин өзүлделиг чорудуп келгенин демдегеп болур бис. Агроүлетпүр комплекзинде интеграция чорудуу чедишкенин хөгжүп, көдээниң бараан бүдүрүкчүлери чаа технологияларны шингээдип ап, социал адырга эки көргүзүлгелерлиг болганын демдегеп болур. Ол

дээрже Россияның экономика-зының бир чугула адыры турум, беримчелиг үе-чаданың хөгжүлдесинче шилчип турарын херечилеп турары ол-дур.

Бо чылын тараачыннар 2001 чылдың чедишкенин бүзүрелдиг быжыглааннар, тарааның бедик дүжүдүн өстүрүп, ажаап алган. Россия тарааны даштыкы рынокче үндүр садар арганы бир дугаар алган.

Бо чыл тараачыннарның төөгүзүңге ада-чурттун бараан бүдүрүкчүлериң эрге-ажыктарын камгалаар сорулгалыг Россияның аграр шимчээшкенин (РАШ) тургузарының чылы бооп артар.

Маадырлыг күш-ажылы болгаш тараачын хөрезинге шыңчы чоруу дээш көдээниң бүгү ажил-ишчилеринге четтирдим, бүдүрүлгениң хоочуннарынга болгаш мурнакчыларынга мөгөйдим.

Силерге болгаш көдээ ажил-агыйның, аш-чем болгаш болбаазырадылга үлетпүрүнүң бүгү ажилдакчыларынга быжыг кадыкшылды, аас-кежиин болгаш Россияның чаагай чоруу дээш күш-ажылчы чаа-чаа чедишкенин күзөдөм.

**РФ-тиң Чазак Даргазының оралакчызы —  
сайыг А.В. ГОРДЕЕВ.**

## ТР-ниң Улуг Хуралының Хоойлужудулга палатазының депутаттарыга ДЫҢНАДЫГ

Тыва Республиканың Улуг Хуралының Хоойлужудулга палатазының бирги сессиязының ийги хуралы Улуг Хуралдың Хоойлужудулга палатазының хуралдаар залында  
**Октябрь 14-те 13 шакта болур.**

### Хүн айтырыгы:

1. Тыва Республиканың Улуг Хуралының Хоойлужудулга палатазының Регламентиниң дугайында.
2. Тыва Республиканың Улуг Хуралының Хоойлужудулга палатазының комитеттериниң составын бадылаар дугайында.

## ГАРАНТ системазы — документилер дилээринге таарымчалыг



- ✓ Нормативиг актылар
- ✓ Хоойлужудулгага тайылбырлар
- ✓ Отчет бээриниң хевирлери

Система  
**ГАРАНТ**  
ГАРАНТ-СЕРВИС  
тел.: (394 22)  
**1-20-44**

**Кызыл хоорай,  
Чүлаум, 40а,  
офис 414**

## Тыва Республиканың Чазак Даргазының чөвүлекчизинин дугайында ТЫВА РЕСПУБЛИКАНЫҢ ЧАЗАК ДАРГАЗЫНЫҢ ЧАРЛЫ

Тыва Республиканың Чогаалчылар эвилелинин даргазы **Черлиг-оол Чашсынмаевич КУУЛАРНЫ** хөй-ниити эгелээшкинге Тыва Республиканың Чазак Даргазының чөвүлекчизинге томуйлаар.

**Тыва Республиканың Чазак Даргазы Ш.ООРЖАК.**

Кызыл хоорай, 2002 чылдың октябрь 10. № 167.

Бо чылдың сентябрь 24-те «Шын» солунга Россияның Чогаалчылар эвилелинин кежигүнү Игорь Иргит «Чазак Даргазынга чөвүлекчи болза...» деп эгелиг чүүлү парлап үндүрген. Ол ында үе-шаг эргилдезинин төөгүлүгү чадазында ниитилелге таарымчалыг байдалды тургузарын демдегеп, улус-чонга чоок, кижилер-биле чугаалажып билир, эртем-суолдуг кижини Тыва Республиканың Чазак Даргазынга чөвүлекчи кылдыр тургузарын саналдаан. Ындыг чөвүлекчинин кол-ла сорулгазы — Чазак Баштыңы

биле чоннуң янзы-бүрү төлээлекчилеринин аразынга чоок харылзааны тудары, бүзүрежир, эптежир оруктарны тывары болур. Хөй-ниити үндезинге ажылдаар улусчу чөвүлекчини Красноярск, Хабаровск крайларда, Кемерово, Томск, Челябинск областарда, Хакасия болгаш еске-даа черлерде тургусканын автор чижекке кириген. Ол черлерде улуг дарганың чөвүлекчизи кылдыр ук регионнуң Чогаалчылар эвилелинин даргазын чайгаар-ла бадьлап каарын Игорь Иргит дыңнаткан. Ынчангаш ол албан-хүлээл-

геге республиканың Чогаалчылар эвилелинин баштаар черинин даргазы Черлиг-оол Куулар төлептиг деп сүмени автор кириген. Тыва Республиканың Чазак Даргазы чогаалчының, номчукчунуң саналы-биле танышкаш, ону чүүлүгү деп деткээн. Ч.Ч.Куулар чон биле Чазак аразынга харылзааны быжыглап шыдаарынга бүзүрээш, бо чылдың октябрь 10-да Чарлы-биле ону Чазак Даргазының хөй-ниити чөвүлекчизи кылдыр томуйлаан.

### ТР-ниң Чазаанда

## 2001 ЧЫЛДАН ЧҮГЭЭРТЭЭН...

Тыва Республиканың Чазааның октябрь 9-та болуп эрткен ээлчеглиг хуралына бир дугаарында кадр айтырыын чугаалашкан. ТР-ниң Күш-ажыл болгаш социал хөгжүлдө яамызының сайыдының бирги оралакчызына Любовь Васильевна Никифорованы томуйлаан.

2002 чылдың тос айларында Тыва Республиканың социал-экономиктиг хөгжүлдөзинин түннелдеринин болгаш 2002 чылда ТР-ниң социал-экономиктиг хөгжүлдөзинин баш удур көрдүнгөн сан-чугагаларының күүселдезинин дугайында айтырыгны Чазак кежигүннери сайгарып көргөн. Бо талазы-биле илеткелди ТР-ниң экономика сайыдының бирги оралакчызы А.Д.Бегзи кылган. ТР-ниң Чазаа 2002 чылдың социал-экономиктиг хөгжүлдөзинин баш бурунгаар бердинген даалгаларын күүседир дээш тодаргай ажылдарны кылганын илеткелчи демдеглээн. Манаа хамаарыштыр Чазак 411 доктаалды, тускай софүлгалыг 20 республика программанын хүлээп алган. Моон түннелинде республиканың улутпүр бүдүрүлгелери ниити продукция бүдүрерин тос айларда 72 хуу күүсеткен. Көдээ ажил-агый ажылдакчылары эрткен чылдың бо үезинден көргүзүлгелерин экижиткен. Тудугга капитал салышкынын шингээдип алыры 33 хуу өскөн. Социал адыр чылдың онаалдазын ажыр боттандырган. Бо сан-чугагалардан алырга, 2002 чылдың бердинген даалгаларын республика күүседип болурунун аргалары тургустунганын илеткелчи айыткан.

Кылдынган ажылдар-биле чергелештир социал-экономиканың хөгжүлдөзінде четпестерни илеткелчи илереткен. 2001 чылдың бо үезинден ниити көргүзүлгелерни экижиткен-даа болза, аш-чем үлетпүрүнүн бүдүрүлгелери, пиво заводу, «Тыва даг-дүгү» комбинат болгаш өскелер-даа продукция бүдүреринин онаалдаларын күүседип шыдаваан. Чылдың төнчүзүнге чедир чүгле ийи ай ажыг үе арткан, илерээн четпестерни кыска хуусаада эткеш, бүдүрүкчүлүгү

ажылдап тургаш, 2002 чылдың даалгаларын күүседир амгы үеде кол сорулга болуп турарын илеткелчи чугаалаан.

ТР-ниң Чазак Даргазының оралакчызының хүлээлгезин күүседип турар С.В.Никонов сөс алгаш, үлетпүр бүдүрүлгелерде четпестерни эдерде чүнү кылыр бодап турарын чугаалаан. Чазак Даргазының оралакчызының хүлээлгезин күүседип турар Е.Л.Осердцов санал бергеш, бо чылын ажылдалга кирер тудугларны акшаландырырынче кичээнге ийи угландырган. Көдээ ажил-агый яамызының сайыды Н.Б.Алдачы яамы көдээ ажил-агыйда четпестерни эдер, чылды эки көргүзүлгелерлиг доозар дээш кандыг хемчеглерни ап турарын Чазак кежигүннеринге дыңнаткан.

Ш.Д.Ооржак чугаалашкан айтырыгнын түннелин үндүрген. Тос айларнын түннелдеринин дугайында доктаалдың төлевилелин бирги номчулгада хүлээп алгаш, келир неделяда болуп Чазак хуралына бо айтырыгны катап сайгаргаш, хүлээп алырын саналдаан. Ол хуралга чедир чүнү кылырын чугаалаан. Хожудуп турар бүдүрүлгелеринин ажыл-ижин ханы сайгарып көөрүнче, четпестерни дүрген эдеринче кол кичээнге ийи угландырган. Чазак Даргазының оралакчылары ол ажылга хаара тудар даалганы берген. Боду база анаа киржирин дыңнаткан.

Тыва Республиканың 2002 чылда бюджетинин тос айларда күүселдезинин дугайында айтырыгны хуралга чугаалашкан. Бюджеттин чарыгдал болгаш орулга кезектери күүсеттингенин демдеглээн. Чамдык үндүрүлгелер күүсеттинмейн барган, аңаа тайылбырны РФ-тин Үндүрүлгелер болгаш чыылдалар яамызы-

ның Тыва Республикада эргелелинин удуртукчузу В.Ш.Оюн берген.

Республика болгаш тус чер бюджетинин хөреңгизи-биле акшаландырып турар организацияларның хөмүр-даштын ажылга база чарыгдал келгенин хынаанының түннелдеринин дугайында ТР-ниң Саңхөө яамызының сайыдының оралакчызы Л.С.-К. Анай-оол илеткел кылган. Хыналданың түннелинде хөмүр-даштын отчет-учедунда, чарыгдалында, камналгазында улуг четпестер илерээн, бюджетте көрдүнгөн акшаны ийи-үш катап ажыр чарыгдал турар болган. Бо четпестерни эдер, корум-чурумну тургузары чугула болу бергенин хуралга шийтпирлээн. Ынчангаш манаа хамаарышкан селектор хуралын эрттирер болгаш еске-даа хемчеглерни алыр даалганы Чазак Даргазы берген.

Тыва Республикада чаш уругларның өлүп хорап турарының байдальнын, ону эвээжедиринин хемчеглеринин дугайында ТР-ниң Кадык камгалал яамызының сайыдының оралакчызы Т.М.-Н. Ондарның илеткелин хуралга дыңнаан. Чаш уругларның хораары сөөлгү үш чылда 22 хуу кызырылган. Иелернин кадыын быжыглаарынче, чаш уругларны ажаап-тежээрин экижидеринче сагыш салышкынын күштелдиргенинден байдал чүгээртээн. Ындыг-даа болза четпестер уламчылавышаанын айыткан. Уруглар эмчилери чедишпес, материал-техниктиг бааза кошкак. Чаш уругларның хораарын эвээжедиринче угланган хемчеглерни ажылдап кылган, ону хүлээп алган.

Чазак хуралына ниитизи-биле чээрби ажыг айтырыгларны чугаалашкаш, чогуур доктаалдарны хүлээп алган.

Таан-оол ХЕРТЕК.

## БЕРГЕЛЕРДЕН – ЧААРТЫЛГАЖЕ

(Төнчүзү. Эгези 1-ги арында).

Мал уксаазын камгалап арттырары, тус черге тааржыр, ботүнези чиик уксаа хөлчок херелеттинип турар. Кайы-даа сумуга чеде бээрге, бүдүрүкчү малдарның төнүп оорары дүвүрэнчиг. Суму чагыргазының даргазының мал ажылының талазы-биле бир оралакчызын бактаап киригени анаа болуушкун эвес. Ол эргебайдалды штатта киригени – мал ээлери-биле ажылды доктаамал хайгааралда ап эгелээни. Чүге дээрге чүгле коллективтиг, ниити мал ажылы эвес, өнчү-хөреңгинин кевирилери, хууда мал бажы калбаа-биле өзүп оорар.

«Тувинское» федералдыг күрүне каттыжышкынын «Дөгээ» бүдүрүлгө бо чылдың июнда тургустунган. Ооң кол угланьышкынарны – уксаалыг бүдүрүкчү малдарны садып-саарары, малдың тарып боозадышкынын чорудары, еске девискээрлер, республикага мал уксаазын экижидери-биле хамаарышкан айтырылгарга боттут киржилгени чорудуп, аңаа белеткелдерни доктаамалчыдар. Ооң бир чамдызы болза бонитировка, чаш малдың үзүшкүнү, коданнарны кевирилеп тургузары. Бо чылдың август айда 300 баш ангор аныяк өшкүнү, 20 баш хунаны Чита областан садып алган. Улуг-Хем кожуунун «Улуг-Хая» совхозу ук областан хан солустурары-биле үш буураны садып алырынга «Дөгээ» киришкен.

Тес-Хем кожуунун «О-Шынаа», Өвүр кожуунун «Ак-Чыраа», Чеди-Хөл кожуунун «Хөлчүк», Кызыл кожуунун «Ээрбек» көдээ ажил-агый бүдүрүлгелери уксаажыдылга бүдүрүлгелери-биле керээ езугаар ажылдап турар. Мыйыстыг бода малдың уксаазын экижидеринин ажылдары чоруп турар. Ылаңгыя Кызыл хоорайның мал аарыглары-биле демисел чорудар станциязы мыйыстыг бода малды (инектерни) тарып боозадып турар.

Мал бажын камгалап арттырар талазы-биле чогумчалыг байдал Мөңгүн-Тайга кожуунун ажил-агыйларында тургустунган. Ук девискээрде күрүненин каттышкан көдээ ажил-агыйының ийи бүдүрүлгезин тургускан. Чоокта чаа Мөңгүн-Тайгага Чазак хуннерин эрттирген. Шак ындыг кичээнге көдээ ишчилеринин амьдырал-чуртталгазын, социал байдалын өрү көдүреринге идигни ойнап турар.

Үстүнде адап демдеглээним барымдаалар чорудуп, углап-баштап турар ажылдарның бир элээн кажы-дыр. Ол, еске-даа хемчеглеринин чоруп турары РФ-тин, Тыва Чазактарның деткимче-дузазы. Мал бажыга үндүрген дотация биске кээп турар. Ук деткимче еске «кармактарже» кире бербезинин хыналдазын ажык-чарлы-биле тургузуп тур бис. Күрүне деткимчези мал эезинин холунга дорт чедерин хынап чорударының арга-хевири бар. Ону үргүлчү холда ап тур мен.

Ниити тайылбыр-биле алырга, яамыда өскерилге чок-даа ышкаш. Ынчалза-даа бо кижинин ажил-агыйны чорудар талазы-биле көрүүшкүнү, ооң им-демдээ албан көстүр. Ооң бир чижээ-

биле тайылбырым доозуп көрейн. Каа-Хем кожуунун 2002 чылда бооп болгу дег көргүзүлгелеринин күүселдези болгаш 2003 чылда көргүзүлгелеринин бооп болгу дег хөгжүлдөзинин дугайында айтырыгны яамының кежер коллегиязынга чугаалажып көргөн.

Кежер коллегияга калбаа-биле кириштивис. Мен, оралакчыларым, килдистер эргелекчилери, Статистика талазы-биле күрүне комитединин даргазы Виктория Талтаева, Ветеринария департаментинин начальниги Степан Достай, «Дөгээ» күрүне каттышкан бүдүрүлгенин удуртукчузу Сергей Кашкак, Каа-Хем кожуун чагырга даргазы Саган-оол Долгар, Тыва Республиканын ук кожуунда бүрүн эргелиг төлээзи, көдээ ажил-агый эргелелин ажилдакчылары, еске-даа специалистер.

Яамының кол сорулгазы болза көдээ ажил-агый эргелелдеринин, сумуларының мал, чер ажылынга киржилгезин боттут болдулары. Суму санында мал ажылының талазы-биле оралакчызы штатты тургускан. Ынчалза-даа чер бүрүзүнде мал чизези-биле холбашкан эн чугула ажылдар, мал бажының шимчээшкини ала-чайгаарлаашкында болганы илереттинген. Тодаргай бир чижек болза мыйыстыг бода болгаш шээр мал бажы кызырап турар. Бүдүрүкчү малдарны естүрери, ооң бажын камгалап арттырары сула салдынган. Ол болгаш еске-даа четпестерни илередип тыпкаш, яамы биле кожуунун каттышкан коллегиязы тускай шийтпир үндүргөн.

Бир кожуунун көдээ амьдыралы еске кожууннар-биле демейлешкээ билдингир. Ол черде ажыктыг чүүлдер өөредиглиг, четпестер кичээндириглиг. Ынчангаш каттышкан коллегияның шийтпирин кожууннарның чагырга даргаларына чеге рекомендация кылдыр тарадып чоруткан бис.

Рыноктуг экономикага ижи-ишикин, ниитизи-биле алырга, РФ-тин, Тываның Чазактарның деткимчези-биле, шуудаашкынын уг-шинде. Чер, мал ажылы-биле сырый холбаалыг өг-бүлелер, кижилер, чер, мал ээлери-биле керээлер дамчыштыр ажил-херектер уламчылаар. Бистиң мурнувуста – Көдээ ажил-агый болгаш аш-чем үлетпүрүнүн ажылдакчыларының хүнү — октябрь 13. Россияның көдээ ишчилери ол болуушкунну күш-ажылы, келир үеде улуг бүзүрели-биле демдеглээр. Байырлалдың хүнүн тус чер аайы-биле солуп ап болур болбайн аан. Байырлал биске Кызыл хоорай чагыргазының даргазынга соңгулдалары-биле капсырлажы берген. Ынчангаш ук байырлалды Октябрь 18-че чайладыр көжүргөн. Байырлалды демдеглээр бүдүзүнде кожууннарның көдээ ажил-агый бүдүрүлгелеринин продуктуларының делгелгелери Кызыл найысылталы-выска калбаа-биле болуп эртер.

Байырлалы-биле, көдээ хачонувус, черге, малга ээ-хайыра, үнелел өг-бүлө, аал-оран бүрүзүнге делгереп-ле турар болзунам.

Ооң телевидениеге депшилгези 2001 чылда, кажан «ВГТРК — Санкт-Петербург» дамчыдылганының четкизинге «Сөстүң хостуу» деп программа көстүп, ооң доктаамал эрттирикчизи болу берген үеден эгелээн. Л.Б. Нарусова Ленинградтың күрүне университетин болгаш ССРЭ-ниң Эртемер академиязының Ленинградта ССРЭ төөгүзү институттуң аспирантуразын дооскан. Төөгү эртемериниң доктору. 1996-1999 чылдарда — Күрүне Думазының депутаты. Собчак аттыг Фондунуң президентизи. Ийги делегей дайынының үезинде фашизмден когараан кижилерге шүүдел төлээриниң талазы-биле удур-дедир дуза-деткимче болгаш эп-чөпшээрелге фондузунуң хайгааракчылар чөвүлелиниң даргазы. Ооң-биле Юрий Кукановтуң интервьюзун «Журналист» сеткүүлден допчулай очулдуруп, «Шынның» номчукчуларынга бараалгаттывыс.



## Людмила НАРУСОВА:

### «СӨСТҮҢ ХОСТУУН ҮНЕЛЕП БИЛИР МЕН»

— Ак-көк экранга 1991 чылда Ленинградтың телевидениезинге көстүп келген болгай силер. Ынчан хоорайның эрги адын эгидериниң талазы-биле референдумну белеткеп турган. Соңгу найысылалдың амьдыралының аңгы-аңгы үелеринде ат-сывы-биле холбашкан төөгү материалдарын таныштырып турдунар. Он чыл хире үе эрткеш, эн неперенгей теледамчыдылгаларның бирээзиниң эрттирикчизи апаар мен дээрзин бодап турган силер бе?

— Силерниң сагындырганыңар үе кезиндээнге мээң баштайгы журналистичи арга-дуржулгам онаажыр. Референдумга чедир бир хонук артканда, бистин хоорайның адын эде адаарының эргежок чугулазын тайылбырлаан материалдың чырыкче үнген. Ында хөйүнүң билбези төөгү бадыткалдарын кириген мен. Чижээлээрге, Ленинградтың бүзээлиниң эң берге чылдарында Октябрь 25 аттыг проспект база катап Невский проспектизи апарган. Орду шөлүнүң эрги ады эглип келген. Дыка хөй чүдүлгө-бүзүрелдиг кижилер-биле ужуражып чугаалажып кээримге, дайын үезинде хоорайны бүзээлээни дээрге-ле, Бурганның ялазыдыр дээрлер чораан. Оларның бодалы-биле алырга, аңаа ты-выскан ыдыктыг Петрун, император Петр I-ниң эвес, адын далдап каапканы Бурганның киленин болдурган болуп турар. «Ленинградская правда» солунун редактору Олег Кузин мээң бижип алган ол чүүлүмнү хүлээп албаан. Ынчан Анатолий Собчак Ленсоветтиң даргазы турган, ынчангаш ашаамның адын тудуп, Валентин Майоровтуң редакторлааны «Кежээки Ленинград» солунга ук чүүлү парладырын чедип алдым. Социогтарның демдеглээни-биле алырга, ол референдумнун түннелинге аажок салдарлыг болган, ол дээш чоргаарланып чоруур мен.

Телевидениеге хамаарыштыр алыр чүве болза, сөөлгү он чылдарда ооң экраннарынга удаа-дараа көстүп келдим: чок-ла болза, бодум интервью берип, чок-ла болза, мээң өг-бүлөмче арын-нүүр чок, үш-үдүрүм халдаашкынарның персонажи болуп. Маңаа Александр Невзоровтуң «600 секундасын» адааргала четчир, оон дамчыдылганынга ашаамның азы мээң чүм-даа арттырбайн сөглөп, куду көрүп,

дорамчылап келген. Бир чеже ыңдыг чүүл меңээ хай-чагырга чок дорамчылаашкына, нүгүлдээшкинге турушкур болурун өөреткен. Ооң-биле чергелештир ынчан-на ниитилелге херек, боттут шүгүмчүлөлдиг журналистикага бодумну шенээр күзөл төртүтүнүп келген.

Өөм ишти өлгөн соонда, ажыг-шүжүгден алаагары, ботка бир-ле чаа чүүлү шингээдири эргежок апарган, ынчангаш Санкт-Петербургтуң күртелерадиокомпаниязының «Сөстүң хостуу» деп дамчыдылганы эрттирериниң дугайында саналын хүлээп алдым. Ук төлөвилел буурап калза, ооң меңээ кандыг уржуктарны чедирип болурун билип турган мен. Ынчалза-даа чүнү чидирер деп мен ынчаш. Амьдыралдың коргускунуң үелерин чурттап эрткеш, чүден-не коргуп-иргип чоруур чүвөл аан деп билишкениге кээр сен. Үн-

дезин-барымдаа чок шүгүмчүлөлдөрдө-даа, базымча-дорамчылаашкынар-даа кижиниң херек кырында көрүп, чурттап эрткен намдарыңа дыргак каразы дег сагындырар. Чаңгыс сөс-биле чугаалаарга, саналга чөпшээрелим берипкен мен. Чогум программага хамаарыштыр көрүкчүлөр боттары шийткелди үндүрерлер ыйнаан. Ынчалза-даа дамчыдылгалага почтаның хөйү-биле кээп турары, көрүкчүлөрниң «кажанда-даа бижип чорбаан мен, ынчалза-даа дузалажып көрүңер» дээн одуругтуг чагаалары хөй-ле чүүлдерни чугаалаар. Кижилер өртөктерниң эскениниң болгаш эм-таннның чедишпезиниң, хайгаарал чок арткан уругларның, эвээш түннүг пенсияларның болгаш өске-даа амьдыралчы айтырылганың дугайында бижип турарлар. Ол бүгүнү телевидениениң авторлар коллективи ээлчеглиг дамчыдылгала сайгарары-биле кирип турар. Ажыл-ишке ижигип, аңаа таарзынар апардым, ам безин чүс хире программаны үндүрүп, көрүкчүлөрге бараалгаттывыс.

— Эрттирикчи кижиниң олудунга саадал олуруп тура, сайгарар деп турар темаарга хамаарыштыр баш бурунгаар боттуту туруштут, көрүштүг болуп-дур силер бе?

— Тургустунуп келген айтырыгны ол-бо аргаларны ажыглап

тургаш, шийтпирлептип болур дээрзин билип турар мен. Чижээлээрге, Санкт-Петербург ада-иезиниң хайгааралы чок арткан уругларның санының талазы-биле өске черлерни оранчок мурнап чоруп олурар, ат болган хоорай-ла болгай. Аңгы-аңгы санаашкынар-биле алырга, мында 30-ден 50 муң чедир тоянчы амьдыралдыг уруглар чурттап турар. Күрүне Думазының депутаты база Херээженер, өг-бүлө болгаш аныяктар херектериниң талазы-биле комитетке ажылдап тургаш-ла, бо айтырыгке кол кичээнгейни углап келген мен, ону шийтпирлээриниң янзы-бүрү арга-хевирлери менде бар, ынчалзажок шуут белең рецепт чок дээрзин айткысап тур мен. Ындыг болганда программа бүрүзүнче специалистерни, эксперттерни

чурттаар оран-сава айтырыын азы материалдыг байдалын шийтпирлеп алган болза, маңаа мораль, арын-нүүр, мөзү-бүдүш дугайында чугаалаан херээ-даа, ажы-даа чок. Бойдустан мөзү-бүдүштүг, арын-нүүрүн арта базып шыдавас журналистер бар-ла харын — оларга алдар, мактал дээрден башка, чүнү чугаалаар деп. Ынчалза-даа, харалаан, «акшаның чыды чок» деп сурагылыг чар бистин дыка хөй коллегаларывыстың бөгүнү девизи, амьдыралының сагызыны апарганы хомуданчыг.

Элээн каш чыл бурунгаар хоорайга моң мурнунда кымның-даа көрбээни, номчувааны солун мээң уруумнун, ынчан ол он беш харлыг турган, чуррун бирги арнынга долдур салгаш, он адаанда хөлчок улуг үжүктөр-биле «Ксения губернатор

Яковлевтиң оглунга ашака барып алган» деп медеглээн. Солуну карак чивеш аразында арылдыра берген. Кажан информастыг чаргычаалы талазы-биле палатаже хомудал билдиришкени киригеш, ону ойнап алганын соонда, ук чүүлү бижээн журналистидаа, солуннун бодун-даа, оон үндезилекчилерин-даа тыппаан. Чаңгыс удааның мөөң акшазын апкаш, ук парлага үндүрүлгези эсти хона берген. Демократчы үзел-бодалды сагып эгелеп чоруур журналисттиң аксындан дараазында чүүлү дыңнаары силерге элдептиг болуру-даа чадавас, ынчалза-даа бистин чугаалажып турарывыс бо таварылгада цензура херек деп санаар мен.

Ашаам өлгөн соонда, бистин өг-бүлөвисче кымдан-даа артык хөй хир-чамны төккен Александр Невзоров бурузун миннип чедип келген. «Бурудатпайн көр, мергежилим ыңдыг кижидир мен ийин» — деп, ол чугаалаан. Мен ону өршээп кагдым, ынчалза-даа Короленко, Эренбург болгаш оон-даа өске кижилер база журналистер чорааннар, ынчалза-даа олар боттарының мергежили дээш бурузун миннир хире хир-чам-биле холбашпаанын демдеглээн мен.

— РОМИР деп хамаарышпас шинчилел төвүнүң сөөлгү сан-медээлери бо: айтырышкына киришкен россияжилерниң 41,4 хуузу массалыг

информация чепсектеринге бүзүрөп турар, а 52,4 хуузу ол-бо чылдагааннарның ужун оларга бүзүрели чок...

— Ында кижии кайгаар чүве чок. Хамык ужур телеканалдын азы солуннун кымга хамааржырында база эвес. Массалыг информация чепсектериниң бажын аңаа акша төлөп берип турарлар билер деп, бодал улустун бажында шагда-ла сиңип калган. Акша-ла болза, чаңгыс ол-ла кижини маадыр-даа, кем-херек үүлгедикчизи-даа кылып каап болур, пиар бодунун херээн билер болгаш болур-чогууру-биле күүседип каар, чүгле акша-ла, акша херек. Журналистерниң профессионал ниитилелгези амдыгаа дээр хартия хевирлиг, ону мораль дүрүмү дээр чүве бе аан, документини ажылдап кылбааны хомуданчыг-дыр. РОМИР-ниң демдеглээни бүзүрел чок чорукту көргүскен сан-чугагай ам-даа өзүп болурундан коргардыр мен: дыка хөй улус парлагага бүзүрөстөөн, оон хая көрнү берген болдур ийин.

Оон аңгыда амгы журналистикага дорт хамааржыр бир байдалды канчангаш-даа билип шыдавас-тыр мен. Телеэкранны аныяк кижии көстүп келгеш, мындыг чижектиг чүүлү чугаалаан джик: «Демги ол депутат, азы губернатор, азы президент ийини ийиге кадарга, дөрт дидир. А мен, журналист Тюткин, ону догматизм, консерватизм, чаартылгаларны хүлээп көрбөй турары деп санап тур мен». Өскээр чугаалаарга, кым-бир кижиниң чугаазын сыр ескерттип, соора тайылбырлап чоруй баар, а оон түннелинде телекөрүкчүнүн азы номчукчунун кулаанга «лапшаның» ээлчеглиг үлүү астынар.

— Силерниң бодалыңар-биле алырга, массалыг информация чепсектери эрге-чагыргага хамаарыштыр оппозицияга турар ужурулуг бе?

— Чүнүң ужун дээш? Чүгле оппозиция болуксааш бе: эрге-чагырга эге чадазындан тура-ла, багай болур болгай, бир эвес ону кончувас, шүгүмчүлөвөс болзуңза, чалча сен бе? Журналистичи угаан-медерелдерде мындыг байдал эскертинип турар болдур ийин, ону база чаштар аары деп адаар мен. Өйлеп-өйлеп бодап олурарымга, совет журналистика дыка үеде партияжи цензураның болгаш чагырып дужаашкынын адаанга чораан (Уланчызы 12-ти арында).

Акша-ла болза, чаңгыс ол-ла кижини маадыр-даа, кем-херек үүлгедикчизи-даа кылып каап болур.

## Тыва Республиканың Улуг Хуралының Хоойлужудулга палатазының ДОКТААЛДАРЫ

Тыва Республиканың Конституциязының 104 чүүлүнүн "д" пунктузун удуртулга болдургаш база чажыт бадылаашкынның түннели-биле болгаш Тыва Республиканың Улуг Хуралының Хоойлужудулга палатазының 2002 чылдың октябрь 3-те № 8, 9, 10, 11, 12, 13, 14, 15 доктаалдарын езугаар дараазында комитеттер даргаларына:

**Борис Билчин-оолович МОНГУШ** — Тыва Республиканың Улуг Хуралының Хоойлужудулга палатазының Хоойлужудулга болгаш конституция-эрге-хоойлу политиказының талазы-биле комитетинин даргазынга

**Анатолий Партизанович ДАМБА-ХУУРАК** — Тыва Республиканың Улуг Хуралының Хоойлужудулга палатазының Күрүне тудуунун, тус чер бот-башкарылга болгаш регионалдар аразының харылзааларының талазы-биле комитетинин даргазынга

**Василий Хүреш-оолович ИРГИТ** — Тыва Республиканың Улуг Хуралының Хоойлужудулга палатазының Бюджет, сан-хөө, үндүртүлгөр болгаш банк ажыл-чорудулгазының талазы-биле комитетинин даргазынга

**Тамсыя Болустаевна КУУЛАР** — Тыва Республиканың Улуг Хуралының Хоойлужудулга палатазының Эртем, өөредилге, культура, өг-бүле болгаш аныяктар политиказының талазы-биле комитетинин даргазынга

**Виталий Монгушевич БАРТЫНА-САДЫ** — Хөй-ниитинин айыыл чок чо-

руунун, корум-чурум болгаш кызыгаар чогуунун айтырыгларының талазы-биле комитетинин даргазынга

**Виктор Алексеевич МОЛИН** — Тыва Республиканың Улуг Хуралының Хоойлужудулга палатазының Черге хамаарылгалар, агроулеттүр комплекзинин, бойдус ажылгалының болгаш экология талазы-биле комитетинин даргазынга

**Михаил Кым-оолович КУУЛАР** — Тыва Республиканың Улуг Хуралының Хоойлужудулга палатазының Кыдыкы Сонгу чүк болгаш аңаа деңнештирген черлернин айтырыгларының талазы-биле комитетинин даргазынга

**Өнер Хүлерович ОНДАР** — Тыва Республиканың Улуг Хуралының Хоойлужудулга палатазының Регламент болгаш контроль талазы-биле комитетинин даргазынга сонгутканнар.

(Тыва Республиканың Улуг Хуралының Хоойлужудулга палатазының доктаалдарына Тыва Республиканың Улуг Хуралының Хоойлужудулга палатазының Даргазы В. ОЮН ат салган).

2002 чылдың сентябрь 22-де Тыва Республиканың Улуг Хуралының Хоойлужудулга палатазының болгаш Төлээлекчилер палатазының депутаттарының катап сонгулдаларының ниити түннелдерин доктаадыр дугайында

## Тыва Республиканың Төп сонгулда комиссиязының ДОКТААЛЫ

2002 чылдың сентябрь 30 №125/596 Кызыл хоорай

"Тыва Республиканың Улуг Хуралының Хоойлужудулга палатазының депутаттарының сонгулдаларының дугайында" Тыва Республиканың Хоойлузунун 59 чүүлүнүн 1 пунктузунга, "Тыва Республиканың Улуг Хуралының Төлээлекчилер палатазының депутаттарының сонгулдаларының дугайында" Тыва Республиканың Хоойлузунун 59 чүүлүнүн 1 пунктузунга дүштүр база Тыва Республиканың Улуг Хуралының палаталарының депутаттарының катап сонгулдаларының түннелдеринин дугайында Би-Хем кожунун девискээр сонгулда комиссиязының № 1 протоколунга үндезилээш, Тыва Республиканың Төп сонгулда комиссиязының доктаадыры болза:

1. Би-Хемнин №22 сонгулда округунга

Тыва Республиканың Төп сонгулда комиссиязының даргазының оралакчызы

Л.М. ЯКУШКИНА

Тыва Республиканың Төп сонгулда комиссиязының секретары Л.Ы. КАРА-САЛ.

Тыва Республиканың Улуг Хуралының Хоойлужудулга палатазының депутаттың катап сонгулдаларын болбаан деп санаар, даңгыга кирген 5200 сонгукчулардан 36,75 хуузу сонгулдаларга киришкен.

2. Тыва Республиканың Улуг Хуралының Төлээлекчилер палатазының депутаттарының катап сонгулдалары сонгулдаларга сонгукчуларның 43 хуудан эвээжи киришкен дараазында чаңгыс мандаттыг сонгулда округтарына болбаан деп санаар:

Больничный № 90 — 34,90 хуу

Центральный № 92 — 28,48 хуу

3. Бо доктаалды республиканың "Шын" болгаш "Тувинская правда" солуннарына парлаар.

## ТР-НИҢ САҢ-ХӨӨ ЯАМЫЗЫНЫҢ ДЫҢНАДЫ

Октябрь 7-де республикада федералдыг бюджеттен саң-хөө дузаламчызы 245,5 млн. рубль трансферт акша келген, ооң иштинде бюджет чээлизи 33,7 млн. рубль.

Октябрь 10-да республиканың Саң-хөө яамызы бо хөреңгини хуваагаш, чогуур адресстеринче шилчидип эгелзэн. Бюджет хөреңгини хуваарын ажык-чарлыг болдурар талазы-биле ТР-ниң Чазааның Даргазы Ш.Д. Ооржактың айтышкынын күүсетпишаан, бо удаада келген хөреңгини кайнаар, кашты чорутканын мынчаар дыңнаткан (млн. рубль-биле).

Бюджет адырының ажылдакчыларының сентябрь айда шалыңына — 180,7 Октябрь айда уруглар пособиесинге — 14,8.

Октябрь айда өскүс уруглар, азырадыкчызын чидирген уруглар пособиелеринге — 7,9.

"Инвалидтерниң социал камгалаалының дугайында" Хоойлуну боттандыраарына — 4,2.

Октябрь айның стипендияларына — 0,2.

Оон аңгыда республиканың албан черлеринче:

— коммунал ачы-дузазы төлээринге — 5,4.

— чуртталга субсидиязынга ("Тыва энергия" ААН-ге өре дуглаарына) — 4,8.

— транспорт болгаш КЧМ чарыгдалдарына — 2,3

— өөредилге ажылдакчыларының ном продукциялары болгаш методиктиг литературалар садып алыр компенсацияга — 0,1.

— харылзаа ачы-дузазы төлээринге — 0,9.

— республиканың инвестиция программаны боттандыраарына — 14,3.

— аш-чем продуктулары садып алырына — 11,6.

Культура албан черлеринин ажыл-агый органнарына субсидияга (парк, киновидеотөп, солуннар редакциялары), "Тыва газ", бүдүрүлге, "Тываның агаар оруктары" ААН-ге — 3,8.

— өске-даа чарыгдалдарга — 0,9.

Республиканың болгаш хоорайларның эмнелге албан черлери-биле санажылгаларны чорудары-биле ажылдавайн турар чонун медицинаның Ыял-ла камгаладылганы камгаладылга дадывырынга республика бюджетинден 9,1 млн. рубльди бюджет алыкчыларына октябрь 11-де шилчиткен.

Албан черлеринин, тус чер чагыргаларының удуртукчулары, бүгү деннелдерин саң-хөө ажылдакчылары хувааган бо хөреңгини чүгле Саң яамызының айытканы сорулгаларга ажылгаарын, өске сорулгаларга ажылгап болбазын бо дыңнадыга шыңгы айыткан. Банк агар саннарын болгаш казначейство таварыштыр эрткен хөреңгини тодаргай алыкчыларга акшаның кирген үе-хуусаазында төлээр, шилчиткен бо хөреңги келир неделяда чогуур черлеринге кирген турар.

ТР-ниң Чазааның парлалга албаны.

## СОНУРГАЛ УЛУГ

Россия Федерациязының бүгү девискээринде, ооң иштинде Тыва Республиканың кожуннарында, хоорайларында, чонуну чизези октябрь 9-та эгелзэн.

Чизениң эгелзэн бир дугаар хүнүнүн эртенінде Тыва Республиканың Күрүне-ниң статистика комитетинге хурал болган. ТР-ниң Чазак Даргазы Ш.Д. Ооржак ооң ажылына киришкеш, Бүгү-россияның чонуну чизези эгелзэни-биле хол-баштыр статистика ажылдакчыларына байырны чедиргеш, оларга үре-түң-нелдиг ажылдаарын күзээ. Ооң соонда Шериг-оол Дизижикович чизелеткен. Ол бодунуң дугайында медээлерни чизеги чугаалап берген.

Кызыл хоорайда чизе организаствыг чоруп турар. Мында 10 чизе участогу тургустунган, ооң бирээзинде-ле беш чизечи быжыглаттыган. Олар эртен даң бажындан эгелзэш, орай кежээге чедир ажылдап турарлар. Инесса Нагорная удурткан үш дугаар участокуң чизечилеринин ажылы шуудаан. Чурттакчы чон чизениң сорулгазын, ужур-дузазын билер болганындан күзелдиги-биле чизеледи-

турар. Инесса Васильевнаның чугаазындан алырга, чизечилерге чамдык шаптараазыннар баштайгы хүннерде турган. Өөредилге черлеринин студентилерин чизелээринге башкылар деткимче бербейн баар таварылгалар илерзэн. Чамдык ийчангыс хамаатылар чизечини бажынынче кирибес, чизеледиринден ойталаарлары база бар. Ындыг-даа болза ниитизи-биле хоорайда чизелээш-кинде бергедээшкин чок.

Республиканың кожуннарында, хоорайларында чизе бо хүннерде чогуур деңнелде чоруп турарын ТР-ниң Күрүне-ниң статистика комитетин редакцияга дыңнаткан. Ылаңгыя Бай-Тайга, Өвүр, Эрзин, Тес-Хем болгаш өске-даа кожуннарда чизелээшкин организаствыг чоруп турар. Бо күрүне ужур-дузалыг ажыл уламчылывышаан.

Игорь ДАМДАК.

## ЧҮҮ-ДАА ЧҮВЕ ӨЙЛҮГ БОЛГАШ ТӨНЧҮЛҮГ

Бөгүн, сонгулдалар хүнүнүн бүдүүзүндө, массалыг информация чепсектеринге сонгулда бетиниң кандыг-даа суртаалын чорудары хорулгуг. Ынчалза-даа ол бөгүн сонгулда тематиказынга холбашкан чүүлдер шуут дыңналбас ужурлуг дээни ол эвестир. Кол-ла чүве — ындыг чугаа-соотка суртаалдын турбазы. Ындыг болганда адаанда номчуурунар кыска медээде суртаал эскиттери чок.

Хөйүнү билер үндезиннерден билдинип келгениндан алыр чүве болза, бо хүннерде Абакан-да элзэн хөй тиражтыг хуудустарны парлап үндүрген. Хоорай-жылларның эки таныыры, билири кижилер суббота болгаш улуг-хүнде Кызылды хуудустар-биле уруптарын планнап турарлар. Чажыт байдалга кылган ол хуудустарның кол-ла утказы — хамаатыларны сонгулдалар үезинде "шуптузунга удур" дээш бадылаарынче кыйгырары. Ук

хуудустарны дукаа парлап үндүрген болганда, оларны девискээр сонгулда комиссиязынга (ДСК) бүрүктөпзени билдингир болбайн аан.

"Ол бүгү кымга ажыктыгыл?" деп кенен айтырыг тургустунуп келир чүве болза, аңаа харыы адыш оюунда дег көскү. Сөөлгү каш неделяның дургузунда чоруп турар мэр А.Ю. Кашин телевидение-даа, "Столица" болгаш "Риск информ" солуннары-даа дамчыштыр, бир эвес суд ону хоорай чагыргазының албан-дужаалына кордакчы кылдыр тургуспас чүве болза, ооң боду база хоорай чагыргазы удур бадылаарынче кыйгырган хуудустарны чон ортузунга тарадыр деп кыжырган болгай.

Хоорай чагыргазының чоруп турар даргазының бо хөдөлиш-киннери сонгулда хоойлужудулгазын каржызы-биле үреп турар. Бир-тээ, амды дээрзинде ол муниципалдыг албан-дужаалды

ам-даа ээлеп арткан кижилер болганда, ТР-ниң "Тыва Республикага тус чер бот-башкарылганың албан-дужаалдыг кижилеринин сонгулдаларының дугайында" Хоойлузунун 38 чүүлүнүн дүштүр сонгулдалар чорудулгазының үезинде суртаалга киржир эргези чок. ДСК ол дугайында аңаа ай-

### Хүннүн темазынга

тып, октябрь 8-те сагындырыгны кылган. Ынчалзажок чоруп турар чагырга даргазынга хоойлу хоойлу эвес-ле болгай: чоокта чаа эрткен дорт телеэфирге ол база катап сонгулда хоойлужудулгазын үрзэн. Октябрь 11-де ДСК аңаа ийги сагындырыгны кылган, бо удаада хамааты А.Ю. Кашин торгаалга онаажып болур.

Амыдыралының дургузунда отулуг ажыл кылып көрбзэн бо кижинин сөс-домаан болгаш ажыл-херзэн, тодаргайлаарга,

хөдөлиш-киннерин, чаңгыс эвес катап деңнеп келген бис. Ам оон сөөлгү медегелинден домакты маңаа кирип көрээлиңер: "Хоойлуларга шак мындыг тоомча чок чорукту, шак мындыг көскү хажыдышкыннары, шак ындыг турамык аажылалды Россия кажанда-даа көрүп көрбзэн". Бодунун эрги болгаш амгы хөдөлиш-киннеринге хоорайның чоруп турар чагыргачызы кончуг-ла чиге болгаш тода үнелди берген-дир.

Кашин азыгда сындырткан. Бо бүгү дээрге чоруп турар кижинин тын темичели-дир. Ийи неделя бурунгаар оон алгы-кышкызынга алыскан хоорай суду, бурунгу хүн, октябрь 10-да, Кызыл хоорай судунун 2002 чылдың сентябрь 25-те үндүрген шийтирин доп-доруан күүседиринин дугайында билдириш-кинни хандырбайн барган. Суд хуралына оон дүвү-далаш чыып эккелгени хоорай чагыргазының функцио-

нерлери-даа, баня-прачечная комбинадының ажылындан чардыктырткан ажылдакчылары-даа дузалап шыдаваан. Оларның чамдыызы даргазы дээш карак чажын безин харамнанмааннар, ынчалзажок суд хоойлу езугаар болур-чогуур шын шийтирини хүлээп алган. Хоойлу чүден-даа өндүр болгай.

Ажылы-биле алырга, ам-даа албан-хүлээлгезин күүседип турар хоорай баштыны кызылчыларны анархияже кыйгырып турар. Сонгулдаларны болдуртпазы — чүгле аңаа болгаш ону долганган кижилерге ажыктыг. Бир эвес сонгулдалар болбайн баар болза азы ону күш чок болдурар чүве болза, ындыг чүүл аңаа үр болгаш тодаргай эвес үениң дургузунда эрге-чагыргага артып калыр арганы бээр.

Ынчалзажок кандыг-даа эрге-чагырга чок чорукка демей-ле төнчү келир болгай...  
А. ШЕСТАКОВ.

# "ШЫННЫН" ПОЧТАЗЫНДА



## АЛДЫН ХҮНГЕ ДӨМЕЙЛЭЭР МЕН

**Изиг караам соолбаанда,  
Изиг чүрээм сооаанда,  
Аяс хүнүм ашкалакта,  
Авам өлбөс, дириг чоруур!**  
*"Тураскал авамга"  
С.ПЮРБИО.*

Делегейде ийи кижиге бар, оларның омур-кевирин, адын чылыгы-биле сактып чоруур бис. «Ие сөзүн ижип болбас, ада сөзүн ажырып болбас» деп шаанда өгбелеривистин үлгер чугаазы бар болгай. Шынап-ла, бичи чаш уруг төртүтүнүп келгеш, бир-ле дугаар авазы биле ачазын көөр. Ол хүнден эгелээш, кижиниң ада-иези эң-не эргим, эң-не чоок бооп арттар.

«Ие», «ава» деп сестерниң төөгүзү нарын. «Эне» деп сөс Тывага ортаакы вектерин үезинде «ава» дээн утказын чидирген турган. А ооң соонда ол сөс-биле ызыгууртан бай кижиниң чаш төлүн эмзирер, чалча, кул, азыракчы херээжен кижини адай берген. Чоорту сөс уттундургаш, архаизм апарган. Чүгле чогаалчы С.Пюрбио Пушкинниң «Евгений Онегин» деп романын очулдуруп тура, «няня» деп сөстү очулдуруунга бергедей бергеш, кажан шагда уттундурган «эне» — азыракчы херээжен дээн уткалыг сөстү ажыглаан. Ынчангаш ол сөс езулуг тыва утказынга катап төртүтүнгөн.

Мээң авамны Оюн Клара Ойдуповна дээр. «Ада-иези кандыгыл, уруг-дарыы база ындыг болур» деп чугаанын ужуу-утказы кончуг-ла шын. Авамның авазы, өгбелери ызыгуурундан черле омаксергек, ажил-ишке ынактар. Ынчангаш салгал дамчып, авам база чазык-чаагай, эвилең-ээлдек, хөглүг, быжыг тура-соруктуг, кара ажилга доругуп өскөн. Ол бир муң тос чүс чеден алды чылда Кызылдың башкы институтун чедишкенин дооскаш, дээди эртемни чедип алган. Үш чыл дургузунда Кызылдың башкы институтунга лаборант бооп ажилдап турган. Оон Танды кожуунун Бай-Хаак суурунун

школа-интернадынга башкылап, удаваанда Бай-Хаак ортумак школазынга секретарь бооп ажилдап чораан. Ол чылдар дугайында авам чылыгы-биле сактып чоруур. Аныяк-чалыы назындан эки үе кайда боор. Кандыг кижиге школачы, студент бооп чораан үелерин сактып келгеш, өөрүвөс, амыравас дээрил. Ынчалза-даа чуртталгада чүү-даа чүве дески болбас болгай. Авам аараанындан он чыл чедер берген. Бо үе иштинде авамның бир кайгамчык, кижиге чоргаарланмас аргажок аажы-чаңын эскерип көрдүм — ооң бергелерге торулбазы болгаш хей-аъдының бедии. Ынчангаш мени азырап-доруктуруп алганы дээш, улуг ынакшылы дээш, черге чедир мөгөйип, четтиргеними илеретпишаан, авамны алдын хүнге дөмейлээр-дир мен.

Амыдыралда херээжен кижиниң ролю улуг. Ол чокта — чуртталга чок. Аныяк уруглар, оолдар төрөөн черинден, аал-оранындан кандыг-ла-бир ужуу-биле ырап чоруткаш, авазының хоюг үнүндөн, чылыг-чымчак, чемзиг чеминден ырай бергеш, ынчан кээп ава деп үнелиг, эргим кижиге чок дээрзин биле бээрлер. А кажан авазының даады-ла чанынга тургаш, ооң ажы-төлүн өстүрүп, кижизидип алыр дээш кайы хире кызып, бүгү-ле чүвөгө четтигип турарын барык эскербес болур. Мен бодаарымга, ооң кол ужуру — кижиниң азыралга дыка дүргөн чаңчыгары. Амгы үеде ылангыя эр улустун чуртталганын моондак-бергелеринге шыдашпайн, сула салдынып турары кончуг хомулданчыг-дыр. Эр кижиниң күүседир ужурулуг аар-берге даалгаларын херээжен кижиге чүктөп, күүседип турар таварылгалар хей. Ынчангаш бис — чурттун камгалакчылары — эр улус херээжен утбаларысты, эштеривисти камгалал-кадагалаар болзувусса эки. Чүгө дие херээжен кижиге — чурттун чоргааралы.

**Максим ОЮН.**

*Бай-Хаак суур.*

## АЖЫК МИННИИШКИН

Сөөлгү үеде аът чылдыг 60 харлыг ашак менден эгелээш, аныяк-өскенге чедир арага-дарыже сундугарывыс мырынай дендеп барды.

Чаа-Хөл кожуунувуска пенсия үлээн соонда езулуг-ла байырлал (пенсопраздник) эгелээр. Чанывыста кылымал далайывыс-даа ынчаар чалгы-вас. Ооң түннелинде аравыстан ол далайга эвес, дашкага дүшкеннеривис хей. Маңаа өскелерни дугайында эвес, бот-дугайты бижип көрейн.

Алган кадымның, ажы-төлүнүң мени каггаш, өске суурже чорупканы, ону ажып шыдаваным-даа бодум буруум. Бажынга кара чааскаан арттары менээ улуг хилег-човаг болган. Оон бодумга чоок хамаарылгалыг улузунун аарыг-аржыкка, үүле-човуланга таваржып «кызыл-дустап» чоруй барганын, ажыг-шүжүүн, кажыдалын угбааным шын. Сөөлгү ийи дунмаларым аразы чүгле айлар болгулады. Адамның соонда чаңгыс кыс дунманын «аъдының бажы хоа берди». Ынчангаш пенсия үлээн соонда хей-биле кады араганы

(технарьны) адрестерден сандып ижип, доктаап чадай бээр турдум. Чамдыкта бичии пенсиям ижер-чииринге безин артпайн баар. Ижин-хырын хынайнап, куруг чоруп, чүгле ижилтерин-не бодап, чегдинип-хогдунуп чоруп каар мен. Ындыг үзүк-соксаал чок арагалаашкынын түннелинде август айда өл-чаъстыг соок хүнде өлүг-дириниң аразында черге бергедеп чыдырымда, чаяан бооп, бичии уруг көрүп кааш, улуг улуска дамчыткан. Кес кырында амы-тынмны камгалаан чонумга курлак чедир мөгөйбишаан, «Шын» солунну дамчыштыр арыг арын-нүүрүнүн мурнундан дараазында сөзүмнү шын езу-биле бердим. 60 хар дээрге кыраан-чөңөөн уша назын эвес-тир, ынчангаш арага деп ажыг хорандан ыраайн, менээ бүзүрөп көрүнөр. Амыдырал өлгөн кижиге төнер боордан башка, дириглерге аар-берге-даа бол, бурунгаарлаар. Ынчангаш аныяк-өскөн — оолдарым, кыстарым, арагадан ойталап, мээң үзел-бодальмны деткир боор.

**Урунза ЧАНЧЫП.**

*Кызыл-Дэг суур.*

## ЧЕТТИРГЕНИМ ИЛЕРЕТТИМ

Республиканың онкология эмнелгезинин турар чери онзагай, долгандыр бүрүлүг чоон ыяштар-биле шыптыган. Чайын, кыжын, сырын-салгынын, бедик хавак кырында, чоннуң кадыкшылынга таарышкан. Иштинге кирип келгеш, адаксы кайттан кырынга чедир ары өөле дижиравис ышкаш, эмчилерниң шинчиер кабинеттери, палаталар, албан ажылының тускай өрээлдери, буфет, аптека, столовая дээш, шупту бүрүн четчир.

«Чайын шанаан, кыжын тергең септе» дижири ышкаш эрткен чайын кышты эки белеткелдиг ажып эртери-биле эвээш эвес ажылдар чоруттунганы каракка илдең, чылыг, чырык, арыг-силиг, шаланы, хананы, дээвири-даа көөрге, карак чылчырыктап турар димизе, хөөредиг-даа болбас боор.

Материал-техниктиг бааза

талазы-биле өске эмнелгелерден-даа артык боор деп бодаар кижиге чордум. Эдилээр эт-севи, орун-дөжек, матрац, чоорган, шывылгар шупту-ла чаа. Кабинет бүрүзү аарыгларны тодарадып, шинчиер амгы үениң чаа хевирниң аппаратуралары-биле хандырынып салдынганын магад-вас аргам чок. Эм-таң талазы-биле үзүктелишкени чок.

Аъш-чем-биле хандырылга, чөмгерилге тергийн эки байдалда. Рыноктуң чеже-даа кызамдалдыг кадыг-берге үелери турза-жок, эң берге чидиг, нарын айтырыг — саң-хөө, акшаландырышкын айтыры, эмчилерниң шалыны, эм-таң өртээ, аъш-чем садып хандырытынары, материал-техниктиг баазаны быжыктыраары, чырык энергия дизе-ле, акша керек.

Төптүтүнгөн улуг эмнелгениң ажылын чаарткычы, чогадыкчы, баш удур сорулгаларны салып алган бурунгаар көрүштүг,

быжыг тура-соруктуг ажылдап турар арга-дуржулгалыг улуг эмчилер бар дээрзинге сеткилимден өөрүвөс аргам чок болду.

Бо эмнелгеде 159: эмчилер — 20, сестралар — 59, санитар-калар 57 кижиге болду. Оларның аразында дээди категорияның — 9, 1-ги категорияның — 4, II-ги категорияның — 2 эмчилери ажилдап турарлар. Бо коллективте күш-ажылдың сагылга-чуруму «Шуптузу — чаңгызы дээш, чаңгызы — шуптузу дээш» деп принципти сагып хүндүлөжирлер-дир. Ак халаттарлыг кижиге бүрүзү-ле даанган ажил-херээжен бедик харысалгалыг күүседип турарын эмнедип чыдар кижилер чоргаарал-биле мактаар чорду.

**Шыын ХЕРТЕК.**

*Бай-Тайга кожуун.*

## АЖЫЛЫВЫС ДЕМНИГ

Чаа-Хөл кожуунунуң Шаңчы сумуунда 97 өреге бар, чурттакчы чоннуң саны — 403. Чылдың-на бо көдээ сумуга чаа өг-бүлелер немежи, өзүп турар. Суурнуң амыдыралы чылдан чылче хөгжүп турар деп болур. 9 чыл школазы база ажыттыган, ында малчыннарның, суурнуң ажы-төлү өөренип турар. Школаның директору Даянмаа Ховалыговна Дамчай школаның ажыл-агыйынга, ооң хөгжүлдези дээш бүгү күжүн салып, кызып ажилдап чоруур. Аныяк кадрлар чылдың-на школада немежи турар. Бо чылын школага чаа одалга системазын тургускан. Уруглар арыг-силиг, чылыг школада өөренип турар. Школага эрткен чылга чедир интернат турган, бо чылын чүгле столовазы ажылдап турар. Ында сумуда амыдыралыга чедимес хей ажы-төлдү өг-бүлелерниң, бот иелерниң уруглары хүнде үш катап чөмөнип турар.

Суурнуң медпунктузунда ажилдап турар эмчиге Роза Семеновна Тембиль мергежили бедик, ажылынга бердин-

ген. Ол школада уругларның арыг-силиин удаа-дараа хынап турар.

Сумунуң чагырыкчызы Очур-оол Ховалыгович Норбу сумунуң ажил-ижинге, хөгжүлдезинге бүгү күжүн салып, корум-чурумну тудуп турар. Амыдыралы берге байдалда турар өг-бүлелер Чаа-Хөл кожуунуң социал камгалал килдизинге бүрүткеттинген турар. Оларны «Деткимче» өг-бүлө төвү хынап, чогуур байдалдарда дузаны көргүзүп турар. Ук албан чери чоңга улуг дузаны чедирип турарынга ооң даргазы Сарым-оол Елена Олай-ооловнаны база кады ажилдап турар ажилдакчыларын улус чон мактап, өөрүп четтиргени илередип чоруур. «Деткимче» өг-бүлө төвү чүгле чедимес өг-бүлелерни эвес, ында чурттап турар чоннуң шуптузун хынап, хайгаарап турар. Олар 2001, 2002 чылдарда Шаңчының чурттакчы чонунга чазын тарыыр картофельди, тарааны, ногаа аймааның үрезиниң чедер шаа-биле үлээн. Сумуда чаңгыс кудук бар. Ол кудук үрели бээрге, хамык чон суг чок арттар. Олар суг чок

дээш анаа орбас, 3 км черден тракторга доскаар кожуп алгаш, суглап турар. Бо чайын кудук база-ла тарылга өйүндө үрелип калган. Чамдык улустун огородтары кадып-даа калган болза, чонну шуут дүжүт чок деп болбас. Олар шупту аргаларны ажыглап тургаш, огородун суггарып турар. Кандыг-даа даргалар хурал эрттирип келир, кайызынга-даа кудук айтырын тургузуп, дилеп келген бис. Шитпирлээр бис-ле дээр, олчаан баар мындыг.

Өг-бүлө төвүнүң ажилдакчылары база Шаңчы суму чагыргазы шупту демниг, бот-боттарывыска дузалажып чоруур бис. Кады ажилдап чоруур эш-өөрүм база өг-бүлө төвүнүң директору Елена Олай-ооловнага төптүн тургустунганында бээр 10 чыл болган юбилейни таварыштыр бүгү-ле чүүлдерге чүгле экини күзедим.

**Алдыңай АРАПТАН,  
Шаңчы сумунуң социал  
ажылдакчызы.**

## ЭЛДЕПСИНИП ЧОР МЕН

«Күш-ажылдың хоочуну» атты өөм ээзи-биле иелээн эдилеп чоруур бис. Ол дээш дыка хей чиигелделерни ажыглап чор бис. Ынчангаш чаагай чолду тывысканы дээш күрүневиске, Чазавыска өөрүп четтирип, мөгөйип чор бис. Кыраан назында бо берге үеде ындыг сагыш човаашкын — менээ улуг аас-кежик. Ол чүгле менээ, мээң өөм ээзинге өөрүшкү, деткимче эвес, харын бистиң хей санныг ажы-төлүвүстүн амыдыраарынга чиигелде деп билеп чор мен. Кырганнар, бистерниң, күрүневистен ап турарывыс пенсияларывыс, ол чиигелделер чок турган болза, амыдыралга канчап-даа чедишпес, уруг-дарыывыстың холунче көрүп, олардан деткимче, дуза дилээривис албан турган боор.

Бажыңымда телефонум хөлезинин төлээрде, автобуска өрү-куду чоруурда күш-ажылдың хоочунунуң шынылгазы-биле (удостоверение), өске доора негелдерлер чокка, чиигелделерни ажыглап чор мен. Магалыг-ла-дыр.

Бо өөрүнчүг чүүлге ушкаштыр, хууда сагыжымда таарзынмай чоруурум чамдык эскерилеримни бижикседим. Одаар чүүлге (хөмүрге), эм-таң садып алырынга чиигелделерде ужуру билдинмес чамдык шаптаразындар бар. Ол мындыг.

Хөмүр-дашты чиигелделиг садып алырда, кожуун чагыргазының күш-ажыл болгаш социал хөгжүлдө эргелелден шынылга алыр. Ооң өртээ 15 (он беш) рубль, а бир эвес бир өрегеде бирден хей чиигелдеге онаажыр кижилер бар болза, кижиге бүрүзүгө шынылгаларны алгаш, шуптузун төлээр. Өрегеде чиигелде алыр ужурулуг чеже кижиге барын айыткаш, нормазын тодараткаш, чаңгыс шынылгалы берип болгу дег. Ындыг таварылгада өрегеде 15 рубльди чүгө ап болбас деп, бир эвес ындыг айтышкын, саавыр бар чүве болза аан. Ында ужурула бар. Шынылга саны көвүдээр-ге, эргелелдин орулгазы көвүдээр-ле ыйнаан. Элдептиг чүвези ол акша кайнаар барып турарыл, ону кым хайгааралга ап, контрольдап турарыл?

Эм садып алырда, эмчиниң бодунуу-биле кожуун эмнелгезиниң танмалары-биле шынызгыттыган рецепт езу-гар чиигелделиг эм садып алыр динизе, база-ла ол эргелелден шынылга алыр апар сен. Аарып турар үеде чеже рецепт бижиттинер-дир, ол хире санныг шынылга бүрүзү 5 рубль төлөвирлиг. Ол хире күштүг рецепт турда, ында аарыг кижиниң ат-сывын айтып каанда, аптека хоочунун шынылгазының дугаарын демдеглеп алгаш, эмни чиигелделиг садыптар болза ажырбас-даа ышкаш, азы?... Ооң элдептиг чүвези, чиигелделиг эмге чедер дээш, рецепт бижидип, шынылга ап, 5 рубль төлээш, аптекага чеде бээринге, алыр эмиң өртээ 3-4-ле рубль болур таварылгалар турар, а 50 хуузу чиигедип каарга, 1,5-2 рубль төлээр ужу таваржыр. 3-4 рубльден чиигелде дилээш, эргелелге 5 рубль төлөп шынылга алганын ол, солун аа!

**Б.ТӨМҮР.**

*Самагалдай суур.*



ОКТАБРЬ 14, ПОНЕДЕЛЬНИК

1 КАНАЛ

06.00 ДОБРОЕ УТРО.
09.00 НОВОСТИ.
09.15 "Семейные узы", т/с.
10.10 Что? Где? Когда?
11.40 "Твинисы", т/с.
12.00 НОВОСТИ.
12.15 Фантастический триллер "Годзилла".
14.45 "Ералаш".
15.00 НОВОСТИ.
15.15 Фантастический фильм "Фантастическое путешествие".
17.00 Большая стирка.
18.00 НОВОСТИ.
18.20 Шутка за шуткой.
19.00 Жди меня.
20.00 Кто хочет стать миллионером?
21.00 ВРЕМЯ.

21.40 "Дронго", т/с. Заключительная серия.
22.45 "Время любить", т/с. Заключительная серия.
23.40 Фабрика звезд.
00.00 Другое время.
00.40 На футболе.
01.10-01.35 Русский экстрим.

РОССИЯ

06.45 — 09.45 Доброе утро, Россия.
09.45 "Такер: человек и его мечта", х/ф.
12.00 ВЕСТИ.
12.20 ВЕСТИ-спорт.
12.25 "Цена успеха", ток-шоу.
13.20 В "Городке".
13.25 ВЕСТИ недели.
14.30 ВЕСТИ-Москва. Неделя в городе.
15.00 ВЕСТИ.
15.25 "Что хочет женщина", ток-шоу.
16.20 "Семнадцать мгновений весны", х/ф.
17.45 ВЕСТИ. Дежурная часть.
18.00 ВЕСТИ.

"ТЫВА"
18.20 Көдээ ажыл-агый айтырыглары. Дорт эфир. Т. 3-28-88.
19.00 Хөгжүмнүг байыр. Поздравления.
19.10 Коллаж.
19.20 МЕСТНОЕ ВРЕМЯ. ВЕСТИ-ТЫВА ЧЕРДЕ.

РОССИЯ

19.50 "Воровка. Счастье напрокат", т/с.
20.50 Спокойной ночи, малыши.
21.00 ВЕСТИ.

"ТЫВА"

21.35 МЕСТНОЕ ВРЕМЯ. ВЕСТИ-ТЫВА.

РОССИЯ

21.55 "Бригада", т/с.
23.05 "Линия защиты", т/с.
00.20 ВЕСТИ.
00.35 Культурная революция.
01.35 "Синемания".
02.05 — 02.15 "Дорожный патруль".

НТВ

06.00, 06.30, 07.00, 07.30,

08.00, 08.30 СЕГОДНЯ.
06.05, 06.35, 07.10, 07.35, 08.10, 08.40 УТРО на НТВ.
09.00 Растительная жизнь.
09.35 Вы будете смеяться!
10.00 Сегодня утром.
10.25 Намедни.
12.00 СЕГОДНЯ.
12.05 Музыкальная комедия "Ландыш серебристый".
13.50 Криминал.
14.00, 15.00, 16.00, 17.00, 18.00 СЕГОДНЯ.
14.05 Женский взгляд.
14.40 "Она написала убийство", т/с.
15.40 Принцип "Домино", ток-шоу.
16.55 "Агент национальной безопасности", т/с, "Доктор Фауст".
18.05 Внимание: розыск!
19.00 СЕГОДНЯ.
19.35 "Крот", т/с.
20.45 "Дальнобойщики", т/с.
22.00 Сегодня вечером.
22.35 "Улицы разбитых фонарей", т/с.
23.40 "Крот", т/с.

00.45 — 01.40 Гордон.
ТВЦ
ПРОФИЛАКТИКА ДО 22.00
22.00 СОБЫТИЯ. Время московское.
22.15 Антимония.
22.55 "Моя дорогая Изabella", т/с.
23.35 Будьте здоровы!
23.50 Пять минут деловой Москвы.
00.00 Психологический детектив "Разорванный круг".
02.00 СОБЫТИЯ. Время московское.
02.45 Особая папка.
03.20 Времечко.
03.50 Петровка, 38.
04.10 СОБЫТИЯ. Время московское.
04.30 Русский век.
05.05 Мир вокруг нас.
05.35 — 05.45 Дневник V Евразийского телефорума.

ТВЦ

00.45 — 01.40 Гордон.
ТВЦ
ПРОФИЛАКТИКА ДО 22.00
22.00 СОБЫТИЯ. Время московское.
22.15 Антимония.
22.55 "Моя дорогая Изabella", т/с.
23.35 Будьте здоровы!
23.50 Пять минут деловой Москвы.
00.00 Психологический детектив "Разорванный круг".
02.00 СОБЫТИЯ. Время московское.
02.45 Особая папка.
03.20 Времечко.
03.50 Петровка, 38.
04.10 СОБЫТИЯ. Время московское.
04.30 Русский век.
05.05 Мир вокруг нас.
05.35 — 05.45 Дневник V Евразийского телефорума.

НТВ

06.00 "Лето нашей тайны", т/с.
06.50 "Редволл", м/с.
07.15 "Черепашки-ниндзя", м/с.

07.40 "Маугли", т/с.
08.05 Истории океанов. "Киты-телохранители".
08.30 "Непридуманные истории", т/с. "Палец подзреваемого".
09.00 "Место преступления: Франкфурт", т/с. "Убийственная роль".
10.40 О, счастливики!
11.15 "Первая волна", т/с.
12.15 "Редволл", м/с.
12.40 "Черепашки-ниндзя", м/с.
13.00 "Маугли", т/с.
13.30 "Лус-Мария", т/с.
14.30 Наши песни.
14.45 "О, счастливики!".
15.30 "Окна", ток-шоу.
16.30 Криминальная трагикомедия "Мелочевка".
18.30 "Веселая семейка Твист", т/с.
19.00 Всегда готовы!
19.30 "Окна", ток-шоу.
20.30 "Сегоднячко".
21.30 Фантастический боевик "Тень".
23.45 Наши песни.
00.00 "Империя страсти".
00.45 — 01.40 "Окна", ток-шоу.

ОКТАБРЬ 15, ВТОРНИК

1 КАНАЛ

06.00 ДОБРОЕ УТРО.
09.00 НОВОСТИ.
09.15 Жди меня.
10.10 "Сердца трех", т/с.
11.20 Фабрика звезд.
11.35 "Дисней-клуб". "Переменка".
12.00 НОВОСТИ.
12.15 "Возвращение Коломбо", т/с. "Бабочка в серых тонах".
14.05 "Время любить", т/с.
15.00 НОВОСТИ.
15.15 "Черный передел. Дело 2002 года", д/д.
15.50 "Дронго", т/с.
17.00 Большая стирка.
18.00 НОВОСТИ.
18.20 Смехопанорама.
19.00 "Семейные узы", т/с.
20.00 "Последний герой-2". "Черное и белое".
21.00 ВРЕМЯ.
21.40 Начало остросюжетного мини-сериала "Спецназ". "Сломанная стрела".
22.40 Премьера. "Адольф Гитлер. Билет в одну сторону". 1-я серия.
23.30 Фабрика звезд.
00.00 Ночное время.
00.15 Историческая драма "Сталин".
01.25 — 03.00 Триллер "В темноте".

РОССИЯ
06.45 — 09.45 Доброе утро, Россия.

"ТЫВА"

06.49, 07.15, 07.45, 08.15, 08.45, 09.15, 09.35 ВЕСТИ-Тыва.

РОССИЯ

09.45 "Бригада", т/с.
10.50 "Линия защиты", т/с.
12.00 ВЕСТИ.
12.20 ВЕСТИ-спорт.
12.25 "Цена успеха", ток-шоу.
13.25 "Комиссар Рекс", т/с.

"ТЫВА"

14.30 ВЕСТИ-ТЫВА.
14.50 Коллаж.

РОССИЯ

15.00 ВЕСТИ.
15.25 "Что хочет женщина", ток-шоу.
16.20 "Семнадцать мгновений весны", т/с.
17.45 ВЕСТИ. Дежурная часть.
18.00 ВЕСТИ.

"ТЫВА"

18.20 Выступление депутата Госдумы РФ С.С. Митрохина.
18.30 Кижки болгаш хоойлу.
18.50 Экосфера.
19.10 Коллаж.
19.20 МЕСТНОЕ ВРЕМЯ. ВЕСТИ-ТЫВА ЧЕРДЕ.

РОССИЯ
19.50 "Воровка. Счастье напрокат", т/с.
20.50 Спокойной ночи, малыши.
21.00 ВЕСТИ.

"ТЫВА"

21.35 МЕСТНОЕ ВРЕМЯ. ВЕСТИ-ТЫВА.

РОССИЯ

21.55 "Бригада", т/с.
23.05 "Линия защиты", т/с.
00.20 ВЕСТИ.
00.35 "Инстинкт убийства", х/ф.
02.25 — 02.35 "Дорожный патруль".

НТВ

06.00, 06.30, 07.00, 07.30, 08.00, 08.30 СЕГОДНЯ.
06.05, 06.35, 07.10, 07.35, 08.10, 08.40 УТРО на НТВ.
08.50 "Дальнобойщики", т/с.
10.00 Сегодня утром.
10.25 "Национальная безопасность. Проданные жизни".
11.00 СЕГОДНЯ.
11.05 Кулинарный поединок.
12.00 СЕГОДНЯ.
12.05 Военная киноповесть "Хроника пикирующего бомбардировщика".
13.40 Криминал.

14.00, 15.00, 16.00, 17.00, 18.00 СЕГОДНЯ.
14.05 Женский взгляд.
14.40 "Она написала убийство", т/с.
15.40 Принцип "Домино", ток-шоу.
17.05 "Улицы разбитых фонарей", т/с.
18.20 Преступление и наказание.
19.00 СЕГОДНЯ.
19.35 "Крот", т/с.
20.45 "Дальнобойщики", т/с.
22.00 Сегодня вечером.
22.35 "Улицы разбитых фонарей", т/с.
23.35 "Крот", т/с.
00.45 — 01.50 Гордон.

ТВЦ

10.00 Настроение.
11.00, 12.00 СОБЫТИЯ. Время московское.
12.50 Газетный дождь.
13.05 "Загадочная женщина", т/с.
14.00 "Странные музеи".
14.30 Мультфильм.
14.40 Войди в свой дом.
14.45 Телемагазин.
15.00 СОБЫТИЯ. Время московское.
15.15 "Дата".
16.15 Момент истины.
17.10 Петровка, 38.
17.30 Деловая Москва.
18.00 СОБЫТИЯ. Время

московское.
18.15 "Инспектор Деррик", т/с.
19.20 Как добиться успеха. Доктор Богданов.
19.30 Полевая почта.
20.00 Регионы. Прямая речь.
20.30 "Без правил", ток-шоу.
21.05 "Времена не выбирают", т/с.
22.00 СОБЫТИЯ. Время московское.
22.15 Детектив-шоу.
23.00 "Моя дорогая Изabella", т/с.
23.50 Пять минут деловой Москвы.
00.00 Лицом к городу.
01.00 Великая иллюзия.
02.00 СОБЫТИЯ. Время московское.
02.40 Особое мнение.
02.50 "Отдел X".
03.20 Времечко.
03.50 Петровка, 38.
04.10 СОБЫТИЯ. Время московское.
04.30 Серебряный диск.
04.45 Премьера. Начало фантастико-приключенческого сериала "Бесконечный мир Герберта Уэллса". Всего 6 серий.
05.40 Синий троллейбус.
06.05 Дневник V Евразийского телефорума.

НТВ

06.00 "Лето нашей тайны", т/с.
06.50 "Редволл", м/с.
07.15 "Черепашки-ниндзя", м/с.
07.40 "Маугли", т/с.
08.05 Истории океанов. "Язык знаков".
08.30 "Непридуманные истории", т/с.
09.00 "Место преступления: Франкфурт", т/с. "Убийственная ночь".
10.40 О, счастливики!
11.15 "Первая волна", х/ф.
12.15 "Редволл", м/с.
12.40 "Черепашки-ниндзя", м/с.
13.00 "Маугли", т/с.
13.30 "Лус-Мария", т/с.
14.30 Наши песни.
14.45 "О, счастливики!".
15.30 "Окна", ток-шоу.
16.30 "Тень", х/ф.
18.30 "Веселая семейка Твист", т/с.
19.00 Пойми меня.
19.30 "Окна", ток-шоу.
20.30 "Сегоднячко".
21.30 Боевик "Ночное видение".
23.45 Наши песни.
00.00 "Империя страсти".
00.45 — 01.40 "Окна", ток-шоу.

ОКТАБРЬ 16, СРЕДА

1 КАНАЛ

06.00 ДОБРОЕ УТРО.
09.00 НОВОСТИ.
09.15 "Семейные узы", т/с.
10.10 "Сердца трех", т/с. Заключительная серия.
11.20 Фабрика звезд.
11.40 "Твинисы", т/с.
12.00 НОВОСТИ.
12.15 Криминально-публицистическая драма "Преступление". Фильм 1-й "Нетерпимость".
13.50 "Сталин", х/ф.
15.00 НОВОСТИ.
15.15 "Дьявольская колесница. Дело 2000 года", д/д.
15.50 "Спецназ", т/с. "Сломанная стрела".
17.00 Большая стирка.
18.00 НОВОСТИ.
18.20 "Семейные узы", т/с.
19.20 "Банзай", х/ф.
21.00 ВРЕМЯ.
21.40 "Спецназ", т/с. "Клинок".
22.40 Премьера. "Адольф Гитлер. Билет в одну сто-

рону". 2-я серия.
23.30 Фабрика звезд.
00.00 Ночное время.
00.15 Футбол. Отборочный матч Чемпионата Европы-2004. Сборная России — сборная Албании.
02.00 — 03.05 "Сталин", х/ф.

РОССИЯ

06.45 — 09.45 Доброе утро, Россия.

"ТЫВА"

06.49, 07.15, 07.45, 08.15, 08.45, 09.15, 09.35 ВЕСТИ-ТЫВА.

РОССИЯ

09.45 "Бригада", т/с.
10.50 "Линия защиты", т/с.
12.00 ВЕСТИ.
12.20 ВЕСТИ — спорт.
12.25 "Цена успеха", ток-шоу.
13.25 "Комиссар Рекс", т/с.

"ТЫВА"

14.30 ВЕСТИ-ТЫВА.
14.50 Коллаж.

РОССИЯ

15.00 ВЕСТИ.

15.25 "Что хочет женщина", ток-шоу.
16.20 "Семнадцать мгновений весны", т/с.
17.45 ВЕСТИ. Дежурная часть.
18.00 ВЕСТИ.

"ТЫВА"

18.20 Тываның хөгжүм-шии театрының чаа сезону. Дорт эфир. Т. 3-28-88.
19.00 Хөгжүмнүг байыр. Поздравления.
19.10 Коллаж.
19.20 МЕСТНОЕ ВРЕМЯ. ВЕСТИ-ТЫВА ЧЕРДЕ.

РОССИЯ

19.50 "Воровка. Счастье напрокат", т/с.
20.50 Спокойной ночи, малыши.
21.00 ВЕСТИ.

"ТЫВА"

21.35 МЕСТНОЕ ВРЕМЯ. ВЕСТИ-ТЫВА.

РОССИЯ

21.55 "Бригада", т/с.
23.05 "Линия защиты", т/с.
00.20 ВЕСТИ.

00.35 Детектив "Гладиатор по найму".
02.20 "Дорожный патруль".
02.30 — 03.26 Горячая десятка.

НТВ

ПРОФИЛАКТИКА ДО 19.35
19.35 "Крот", т/с.
20.45 "Дальнобойщики", т/с.
22.00 Сегодня вечером.
22.35 "Улицы разбитых фонарей", т/с.
23.35 "Крот", т/с.
00.45 — 01.55 Гордон.

ТВЦ

10.00 Настроение.
11.00, 12.00 СОБЫТИЯ. Время московское.
12.50 Газетный дождь.
13.05 "Загадочная женщина", т/с.
14.00 "Эти странные музеи".
14.30 Мультфильм.
14.40 Телемагазин.
15.00 СОБЫТИЯ. Время московское.

15.15 "Дата".
16.15 Игра в прятки.
16.30 Песочные часы.
16.55 Точка опоры.
17.10 Петровка, 38.
17.30 Деловая Москва.
18.00 СОБЫТИЯ. Время московское.
18.15 "Инспектор Деррик", т/с.
19.20 Путь к себе.
19.30 Очевидное — невероятное.
20.00 Регионы. Прямая речь.
20.30 Ступеньки.
21.00 "Времена не выбирают", т/с.
22.00 СОБЫТИЯ. Время московское.
22.15 "Приглашает Борис Ноткин". Георгий Полтавченко.
22.55 "Моя дорогая Изabella", т/с.
23.35 Путь к себе.
23.50 Пять минут деловой Москвы.
00.00 "За кулисами", т/с.

НТВ

ПРОФИЛАКТИКА ДО 16.30
16.30 "Ночное видение", х/ф.
18.30 "Веселая семейка Твист", т/с.
19.00 Пойми меня.
19.30 "Окна", ток-шоу.
20.30 "Сегоднячко".
21.30 Боевик "Небеса в огне".
23.45 Наши песни.
00.00 "Империя страсти".
00.45 — 01.40 "Окна", ток-шоу.

## ОКТЯБРЬ 17, ЧЕТВЕРГ

## 1 КАНАЛ

06.00 ДОБРОЕ УТРО.  
09.00 НОВОСТИ.  
09.15 "Семейные узы", т/с.  
10.10 "Тайна Карибского залива", т/с.  
11.20 Фабрика звезд.  
11.35 "Дисней-клуб". "Переменка".  
12.00 НОВОСТИ.  
12.15 Криминально-публицистическая драма "Преступление". Фильм 2-й "Обман".  
13.40 "Сталин", х/ф.  
15.00 НОВОСТИ.  
15.15 "Гляска сатаны. Дело 2000 года", д/д.  
15.50 "Спецназ", т/с. "Клинок".  
17.00 Большая стирка.  
18.00 НОВОСТИ.  
18.20 Сами с усами.  
19.00 "Семейные узы", т/с.  
20.00 Слабое звено.  
21.00 ВРЕМЯ.  
21.40 "Спецназ", т/с. "Засада".  
22.40 "Мы чье, дурачье?". Концерт Михаила Задорнова.  
23.35 Фабрика звезд.  
00.00 Ночное время.

00.15 "Сталин", х/ф.  
01.25 — 03.00 Детектив "Однажды ты встретишь незнакомку".

## РОССИЯ

06.45 — 09.45 Доброе утро, Россия.

## "ТЫВА"

06.49, 07.15, 07.45, 08.15, 08.45, 09.15, 09.35 ВЕСТИ-ТЫВА.

## РОССИЯ

09.45 "Бригада", т/с.  
10.50 "Линия защиты", т/с.  
12.00 ВЕСТИ.  
12.20 ВЕСТИ — спорт.  
12.25 "Цена успеха", ток-шоу.  
13.25 "Комиссар Рекс", т/с.

## "ТЫВА"

14.30 ВЕСТИ-ТЫВА.  
14.50 Коллаж.

## РОССИЯ

15.00 ВЕСТИ.  
15.25 "Что хочет женщина", ток-шоу.  
16.20 "Семнадцать мгновений весны", т/с.  
17.45 ВЕСТИ. Дежурная часть.

## "ТЫВА"

18.00 ВЕСТИ.  
18.20 Аныяк салгал.  
18.40 Сыгырганың үнү дыңнааш... И.Д.Комбу.

19.05 Хөгжүмнүг байыр. Поздравления.  
19.15 Коллаж.  
19.20 МЕСТНОЕ ВРЕМЯ. ВЕСТИ-ТЫВА ЧЕРДЕ.

## РОССИЯ

19.50 "Воровка. Счастье напрокат", т/с.  
20.50 Спокойной ночи, малыши.  
21.00 ВЕСТИ.

## "ТЫВА"

21.35 МЕСТНОЕ ВРЕМЯ. ВЕСТИ-ТЫВА.

## РОССИЯ

21.55 "Бригада", т/с.  
23.05 "Линия защиты", т/с.  
00.20 ВЕСТИ.  
00.35 "Танцующая в темноте", х/ф.  
03.20 — 03.30 "Дорожный патруль".

## НТВ

06.00, 06.30, 07.00, 07.30, 08.00, 08.30 СЕГОДНЯ.  
06.05, 06.35, 07.10, 07.35, 08.10, 08.40 УТРО на НТВ.  
08.50 "Дальнобойщики", т/с.

10.00 Сегодня утром.  
10.25 Очная ставка.  
11.00 СЕГОДНЯ.  
11.05 Квартирный вопрос.  
12.00 СЕГОДНЯ.  
12.05 Мелодрама "Повтор-

ная свадьба".  
13.50 Криминал.  
14.00, 15.00, 16.00, 17.00, 18.00 СЕГОДНЯ.  
14.05 Женский взгляд.  
14.35 "Она написала убийство", т/с.

15.40 "Принцип "Домино", ток-шоу.  
17.05 "Улицы разбитых фонарей", т/с.

18.15 "Национальная безопасность. Чисто депутатское убийство".  
19.00 СЕГОДНЯ.  
19.35 "Крот", т/с.

20.45 "Дальнобойщики", т/с.  
22.00 Сегодня вечером.  
22.35 "Улицы разбитых фонарей", т/с.

23.40 "Крот", т/с.  
00.50 Гордон.  
01.45 — 02.30 Кома.

## ТВЦ

10.00 Настроение.  
11.00, 12.00 СОБЫТИЯ. Время московское.  
12.50 Газетный дождь.

13.05 "Загадочная женщина", т/с.  
14.00 "Эти странные музеи".  
14.30 Мультфильм.  
14.40 Телемагазин.  
15.00 СОБЫТИЯ. Время

московское.  
15.15 Дата.  
16.20 Московское чудо.  
17.15 Квадратные метры.  
17.30 Деловая Москва.

18.00 СОБЫТИЯ. Время московское.  
18.15 "Инспектор Деррик", т/с.

19.20 Экспо-новости.  
19.30 Я — мама.  
20.00 Регионы. Прямая речь.

20.30 Идущие вперед.  
21.00 "Времена не выбирают", т/с.

22.00 СОБЫТИЯ. Время московское.  
22.15 "Когда деревья были..." К 110-летию со дня рождения М.Цветаевой.

23.00 "Моя дорогая Изabella", т/с.  
23.40 Экспо-новости.  
23.50 Пять минут деловой Москвы.

00.00 "За кулисами", т/с.  
01.00 "Охота на людей", т/с.

02.00 СОБЫТИЯ. Время московское.  
02.40 Материк.

03.20 Времечко.  
03.50 Петровка, 38.  
04.10 СОБЫТИЯ. Время московское.

04.30 Серебряный диск.  
04.45 Церемония закрытия V Евразийского телефорума.  
05.40 — 06.10 Синий троллейбус.

## ТНТ

ПРОФИЛАКТИКА ДО 09.00

09.00 "Место преступления: Франкфурт", т/с. "Заказное убийство".  
10.40 О, счастливчик!  
11.15 "Первая волна", х/ф.

12.15 "Редволл", м/с.  
12.40 "Черепашки-ниндзя", м/с.

13.00 "Маугли", т/с.  
13.30 "Лус-Мария", т/с.  
14.30 Наши песни.

14.45 "О, счастливчик!".  
15.30 "Окна", ток-шоу.  
16.30 "Небеса в огне", х/ф.

18.30 "Веселая семейка Твист", т/с.  
19.00 Пойми меня.

19.30 "Окна", ток-шоу.  
20.30 "Сегоднячко".

21.30 Драма "Время расплаты".  
23.45 Наши песни.  
00.00 "Империя страсти", ток-шоу.

00.45 "Окна", ток-шоу.  
01.40 "Сегоднячко".  
02.40 "Лус-Мария", т/с.  
03.30 — 04.05 "О, счастливчик!"

## ОКТЯБРЬ 18, ПЯТНИЦА

## 1 КАНАЛ

06.00 ДОБРОЕ УТРО.  
09.00 НОВОСТИ.  
09.15 "Семейные узы", т/с.  
10.10 "Тайна Карибского залива", т/с.  
11.25 Фабрика звезд.  
11.40 "Твинисы", т/с.  
12.00 НОВОСТИ.  
12.15 "Преступление", х/ф. Фильм 2-й. "Обман". Часть 2-я.  
13.40 "Сталин", х/ф.  
15.00 НОВОСТИ.  
15.15 "Батальон смерти. Дело 2002 года", д/д.  
15.50 "Спецназ", т/с. "Засада".  
17.00 Большая стирка.  
18.00 НОВОСТИ.  
18.20 Человек и закон.  
19.00 "Семейные узы", т/с.  
19.50 Поле Чудес.  
21.00 ВРЕМЯ.  
21.40 Фабрика звезд.  
22.45 Комедийный боевик "Большой удар".  
00.35 Лучшие кинотрюки года.  
02.10 — 03.55 Триллер "Убийство в уме".

## РОССИЯ

06.45 — 09.45 Доброе утро, Россия.

06.49, 07.15, 07.45, 08.15, 08.45, 09.15, 09.35 ВЕСТИ-ТЫВА.

## РОССИЯ

09.45 "Бригада", т/с.  
10.50 "Линия защиты", т/с.  
12.00 ВЕСТИ.  
12.20 ВЕСТИ — Спорт.  
12.25 Форт Боярд.  
13.25 "Комиссар Рекс", т/с.

## "ТЫВА"

14.30 ВЕСТИ-ТЫВА.  
14.50 Коллаж.

## РОССИЯ

15.00 ВЕСТИ.  
15.25 Моя семья.  
16.20 Аншлаг.  
17.15 "Комедийный коктейль", т/с.  
17.45 ВЕСТИ. Дежурная часть.

## "ТЫВА"

18.20 До и после уроков.  
18.40 Преступления и наказания.

18.55 "Лабиринт". Телевикторина.  
19.05 Хөгжүмнүг байыр. Поздравления.  
19.15 Коллаж.  
19.20 МЕСТНОЕ ВРЕМЯ. ВЕСТИ-ТЫВА ЧЕРДЕ.

## РОССИЯ

19.50 Комната смеха.

20.50 Спокойной ночи, малыши!  
21.00 ВЕСТИ.

## "ТЫВА"

21.35 МЕСТНОЕ ВРЕМЯ. ВЕСТИ-ТЫВА.

## РОССИЯ

21.50 Лев Лещенко и Владимир Винокур в концертной программе "30 лет спустя".  
00.55 Телеигра "Ставка".  
01.30 "Считанные секунды", х/ф.  
03.15 — 03.25 Дорожный патруль.

## НТВ

06.00, 06.30, 07.00, 07.30, 08.00, 08.30 СЕГОДНЯ.  
06.05, 06.35, 07.10, 07.35, 08.10, 08.40 УТРО на НТВ.  
08.50 "Дальнобойщики", т/с.

10.00 Сегодня утром.  
10.25 "Преступление и наказание".  
11.00 СЕГОДНЯ.  
11.05 "1996 год. Первомайский. Хроника одного предательства".

12.00 СЕГОДНЯ.  
12.05 Фантастико-приключенческий фильм "Земля Санникова".  
14.00, 15.00, 16.00, 17.00, 18.00 СЕГОДНЯ.

14.05 Женский взгляд.

14.40 "Она написала убийство", т/с.  
15.40 Принцип "Домино", ток-шоу.

17.05 "Улицы разбитых фонарей", т/с.  
18.20 Очная ставка.

19.00 СЕГОДНЯ.  
19.35 "Агент национальной безопасности", т/с. "На следствии".

20.40 Боевик "Отражение".  
22.50 Все сразу!  
23.25 — 02.00 Премьера. Музыкально-хореографическая фантазия "Весь этот джаз".

## ТВЦ

10.00 Настроение.  
11.00, 12.00 СОБЫТИЯ. Время московское.

12.50 Газетный дождь.  
13.05 "Загадочная женщина", т/с.

14.00 "Эти странные музеи".

14.30 Мультфильм.  
14.40 Телемагазин.  
15.00 СОБЫТИЯ. Время московское.

15.15 "Дата".  
16.25 "Отдел "Х".  
16.55 Денежный вопрос.  
17.10 Петровка, 38.  
17.30 Деловая Москва.  
18.00 СОБЫТИЯ. Время

московское.  
18.15 "Инспектор Деррик", т/с.

19.30 21-й кабинет.  
20.00 Регионы. Прямая речь.

20.30 "Легенды спорта". Николай Андрианов.  
21.00 "Времена не выбирают", т/с.

22.00 СОБЫТИЯ. Время московское.  
22.15 День Бородина.  
22.55 "Моя дорогая Изabella", т/с.

23.50 Пять минут деловой Москвы.  
00.00 "За кулисами", т/с.

01.00 "Охота на людей", т/с.

02.00 СОБЫТИЯ. Время московское.

02.40 "Наша версия". "Под грифом "Секретно".

03.20 Времечко.  
03.50 Петровка, 38.  
04.10 СОБЫТИЯ. Время московское.

04.30 — 06.40 Открытый проект.

## ТНТ

06.00 "Лето нашей тайны", т/с.  
06.50 "Редволл", м/с.  
07.15 "Черепашки-ниндзя", м/с.

07.40 "Маугли", т/с.  
08.05 Истории океанов. "Лагуна любви".

08.30 "Непридуманные истории", т/с.

09.00 "Место преступления: Франкфурт", т/с. "Пятничный убийца".

10.40 О, счастливчик!  
11.15 "Первая волна", х/ф.  
12.15 "Редволл", м/с.

12.40 "Черепашки-ниндзя", м/с.

13.00 "Маугли", т/с.  
13.30 "Лус-Мария", т/с.

14.30 Наши песни.  
14.45 "О, счастливчик!".

15.30 "Окна", ток-шоу.  
16.30 "Время расплаты", х/ф.

18.30 "Веселая семейка Твист", т/с.  
19.00 Пойми меня.  
19.30 "Окна", ток-шоу.

20.30 "Сегоднячко".  
21.30 Детектив "По законам обмана".  
23.45 Наши песни.  
00.00 "Империя страсти", ток-шоу.

00.45 "Окна", ток-шоу.  
01.40 "Сегоднячко".

02.40 "Лус-Мария", т/с.  
03.30 — 04.05 "О, счастливчик!"

## ТВЦ

07.40 "Маугли", т/с.  
08.05 Истории океанов. "Лагуна любви".

08.30 "Непридуманные истории", т/с.

09.00 "Место преступления: Франкфурт", т/с. "Пятничный убийца".

10.40 О, счастливчик!  
11.15 "Первая волна", х/ф.

12.15 "Редволл", м/с.  
12.40 "Черепашки-ниндзя", м/с.

13.00 "Маугли", т/с.  
13.30 "Лус-Мария", т/с.  
14.30 Наши песни.  
14.45 "О, счастливчик!".

15.30 "Окна", ток-шоу.  
16.30 "Время расплаты", х/ф.

## ОКТЯБРЬ 19, СУББОТА

## 1 КАНАЛ

07.00 НОВОСТИ.  
07.10 Мультфильм.  
07.30 Утренняя звезда.  
08.20 Играй, гармонь любимая!  
08.55 Слово пастыря.  
09.10 Здоровье.  
10.00 НОВОСТИ.  
10.10 Смак.  
10.30 Путешествие натуралиста.  
11.00 Смехопанорама.  
11.40 Комедия "Зайчик".  
13.30 "Дисней-клуб". "Утиные истории".  
14.00 НОВОСТИ.  
14.10 "Чтобы помнили...". Владимир Самойлов.  
14.50 Клуб путешественни-

ков.  
15.35 "Следствие ведут знатоки", т/с.

16.50 Евгений Петросян, Елена Степаненко, Филипп Киркоров, группа "Любэ" и другие в праздничном концерте.  
В перерыве 18.00 НОВОСТИ.

19.00 Кто хочет стать миллионером?  
20.00 "Последний герой-2". "Предостережение".

21.00 ВРЕМЯ.  
21.30 Что? Где? Когда?  
22.40 Мелодрама "Запах женщины".

01.35 — 03.40 Комедия "Большой Лебовски".

## РОССИЯ

07.20 "Зеленый огонек",

х/ф.  
08.40 "Студия "Здоровье".

09.10 "Дракоша и компания", д/с.  
09.35 Золотой ключ.

10.00 "Военная программа" Александра Сладкова.  
10.20 Два рояля.

11.20 Сам себе режиссер.  
12.20 Сто к одному.  
13.15 "Форт Боярд".

14.10 Клуб сенаторов.  
15.00 ВЕСТИ.  
15.20 Детектив "Возвращение "Святого Луки".

17.00 Фильм-катастрофа "Шторм-убийца".  
18.20 Мультфильм.

19.00 Комната смеха.  
19.50 "Бригада", т/с.  
21.00 ВЕСТИ.  
21.25 Зеркало.

21.50 "Бригада", т/ф.  
23.00 "Стань звездой".

00.00 Комедийный боевик "Полицейский из Беверли Хиллз-2".

02.05 "Крик-3", х/ф.  
03.50 — 04.45 Футбол. Чемпионат России. "Локомотив" (Москва) — "Торпедо-ЗИЛ" (Москва). Трансляция со стадиона "Локомотив". 2 тайм.

## НТВ

06.55 "Гостя из будущего", т/с.

08.00 СЕГОДНЯ.  
08.05 Музыкальная комедия "Кето и Котэ".

09.30 Путешествие натуралиста.  
10.00 СЕГОДНЯ.

10.05 Кулинарный поеди-

нок.  
11.00 СЕГОДНЯ.

11.05 Квартирный вопрос.  
12.00 СЕГОДНЯ.

12.05 "Блеск и нищета Гохрана", д/ф.  
13.00 СЕГОДНЯ.

13.05 Романтическая комедия "Дурман любви".

15.00 СЕГОДНЯ.  
15.05 Своя игра.

16.00 СЕГОДНЯ.  
16.20 Женский взгляд.

17.00 СЕГОДНЯ.  
17.05 Шоу Елены Степаненко.

18.00 СЕГОДНЯ.  
18.05 Фактор страха.  
19.00 СЕГОДНЯ.  
19.25 Свобода слова.  
20.50 Боевик "Кобра".  
22.40 Профессиональный

бокс. Лучшие боксеры мира. Оскар Де Ла Хойя — Шейн Мозли.

23.55 Эротическая комедия "Я люблю тебя".

01.50 Комедия "Любовница из Москвы", т/с.

03.00 — 04.05 Фактор страха.

## ТВЦ

11.30 "Москва на все времена", д/с.

12.05 Отчего, почему?  
13.00 Мультфильм.

13.45 Православная энциклопедия.  
14.10 Серебряный диск.

14.25 Я — мама.  
15.00 СОБЫТИЯ. Утренний рейс.  
15.15 Городское собрание.  
15.50 Фильм-сказка "На

златом крыльце сидели...".  
16.55 Чемпионат России по хоккею. ЦСКА — "Спартак".  
В перерыве: СОБЫТИЯ. Время московское.  
19.35 Очевидное - невероятное.  
20.05 "Жюли Леско", т/с.

22.00 Мультфильм.  
22.15 Великая иллюзия.  
23.05 Комедия "Максим Перепелица".  
01.00 Постскриптум.  
02.05 Премьера. Детектив "Невольный свидетель".  
04.10 СОБЫТИЯ. Время московское.

04.25 Хорошо, Быков.  
04.40 Мода pop-stop.  
05.10 — 06.05 Церемония вручения премии Станиславского. Лауреаты-2002.  
**ТНТ**  
07.00 "Первая волна", т/с.  
07.50 Детектив "Я — следователь".

09.30 "Непридуманные истории", т/с.  
10.00 "Путешествия с национальным географическим обществом", д/с.  
11.00 "Час Дискавери". "Торнадо".  
12.05 "Веселая семейка Твист", т/с.

12.30 "Первая волна", т/с.  
13.30 Пойми меня.  
14.00 Спортивный канал.  
17.30 "Диагноз: убийство", т/с.  
18.30 Всегда готовы!  
19.00 "Боб и Маргарет", м/с.  
19.30 Игра с Фоменко.

20.00 Старые "куклы" о главном.  
20.30 Большая терка.  
21.30 "Семнадцать мгновений весны", т/с.  
00.25 Комедийный триллер "Голова над водой".  
02.30 Игра с Фоменко.  
03.00 - 03.50 "Диагноз: убийство", т/с.

## ОКТАБРЬ 20, ВОСКРЕСЕНЬЕ

### 1 КАНАЛ

07.00 НОВОСТИ.  
07.10 Мультфильм.  
07.30 Утренняя звезда.  
08.20 Армейский магазин.  
08.45 "Дисней-клуб". Тимон и Пумба".  
09.10 Дог-шоу.  
10.00 НОВОСТИ.  
10.10 Непутевые заметки.  
10.30 Пока все дома.  
11.05 Властелин вкуса.  
11.50 КВН.  
14.00 НОВОСТИ.  
14.10 Умницы и умники.  
14.35 Большие родители.  
15.05 Приключенческая комедия "Картуш".  
16.50 Живая природа. "Следы невиданных зверей", "Проделки шимпанзе".  
18.00 Времена.  
19.05 Впервые на телевидении. Сольный концерт Максима Галкина.  
20.40 Триллер "Братство

волка".  
23.20 Политический триллер "Собственность дьявола".  
01.30 — 02.00 Реальная музыка.

### РОССИЯ

07.35 "Магия черная и белая", х/ф.  
08.45 "Дракоша и компания", детский сериал.  
09.10 Русское лото.  
10.00 "ТВ Бинго-шоу".

### "Тыва"

10.35 МЕСТНОЕ ВРЕМЯ. ВЕСТИ-ТЫВА. Итоги недели.

### РОССИЯ

11.15 Утренняя почта.  
11.50 Городок. Дайджест.  
12.20 Комедия "Злоключенция Альфреда".  
14.10 Парламентский час.  
15.00 ВЕСТИ.  
15.20 Вокруг света.  
16.15 Диалоги о животных.  
17.10 Моя семья.  
18.10 "Аншлаг".  
19.05 Боевик "Мистер Кру-

той".  
20.50 В "Городке".  
21.00 ВЕСТИ недели.  
22.10 Специальный корреспондент.  
22.35 "Телеканал "Россия" собирает друзей". Гала-концерт.  
01.20 - 02.56 "Призрак", х/ф.

### НТВ

07.15 "Голубое дерево", т/с.  
08.00 СЕГОДНЯ.  
08.05 Фильм-сказка "Золушка".

09.20 Без рецепта.  
10.00 СЕГОДНЯ.  
10.05 Фактор страха.  
11.00 СЕГОДНЯ.  
11.05 Растительная жизнь.  
11.40 Вы будете смеяться!  
12.00 СЕГОДНЯ.  
12.05 Профессия — репортер. "Совершенный солдат".  
12.25 Служба спасения.  
13.00 СЕГОДНЯ.  
13.05 Приключенческий фильм "Рокировка в длинную сторону".

14.50 Вкусные истории.  
15.00 СЕГОДНЯ.  
15.05 Своя игра.  
16.00 СЕГОДНЯ.  
16.20, 17.05 "Принцип Домино", ток-шоу.  
17.00, 18.00 СЕГОДНЯ.  
18.05 Премьера. Мелодрама "Далекая страна".  
21.00 Намедни.  
22.30 Триллер "Семь".  
01.05 "Звездные врата", т/с.  
01.55 — 02.35 Журнал Лиги чемпионов.

### ТВЦ

11.05 "Москва на все времена", д/с.  
11.35 Отчего, почему?  
12.30 "АБВГДейка".  
13.00 Мультпарад.  
13.45 Полевая почта.  
14.15 Наш сад.  
14.35 Лакомый кусочек.  
15.00 Московская неделя.  
15.30 Звезда автострады.  
15.45 Семейная комедия "Взрослые дети".  
17.00 "Наука дальних странствий", д/ф.

18.00 СОБЫТИЯ. Время московское.  
18.15 Алфавит.  
18.55 21-й кабинет.  
19.25 "Удивительный мир животных", т/с.  
19.50 Мультфильм.  
20.15 Репортер.  
20.30 Детектив-шоу.  
21.15 "Чисто английское убийство", т/с.  
23.05 Премьера. "Клуб ворчунов", ток-шоу.  
00.00 Момент истины.  
01.05 Героико-приключенческий фильм "Один и без оружия".  
02.45 СОБЫТИЯ. Время московское.  
02.55 Спортивный экспресс. Чемпионат мира по шоссейно-кольцевым мотогонкам. Гран-при Австралии.  
04.05 Деликатесы.  
04.40 — 06.05 "Серебряный диск".

### ТНТ

07.00 Мультфильм.

07.30 Неизвестная планета.  
07.50 Детектив "Алмазы шаха".  
10.00 "Путешествия с национальным географическим обществом", д/с.  
11.00 "Час Дискавери". "Охотники на крокодилов".  
12.05 "Веселая семейка Твист", т/с.  
12.30 "Первая волна", т/с.  
13.30 Пойми меня.  
14.00 Спортивный канал.  
17.30 "Диагноз: убийство", т/с.  
18.30 Большая терка.  
19.30 Игра с Фоменко.  
20.00 Старые "куклы" о главном.  
20.30 Титаны рестлинга на ТНТ.  
21.30 "Семнадцать мгновений весны", т/с.  
00.25 Премьера. Триллер "Смертельная нежность".  
02.55 Титаны рестлинга на ТНТ.  
03.45 - 04.35 "Диагноз: убийство", т/с.

Россия Федерациязынын Чазанын «Россиянын аныктары» деп программазынын «РФ-тин аныктарынын элээдилеринин болгаш уругларынын күш-дамыр кижизидилгези база кадыкшылын быжыглаары» деп кезээнин дугайында доктаалды күүседире-биле «Тыва Республиканын аныктарынын, элээдилеринин болгаш уругларынын күш-дамыр кижизидилгези

болгаш кадыкшылын быжыглаары (2003-2005 чылдар)» деп программаны хүлээп алырынын дугайында доктаалды ТР-нин Чазаа хүлээп алган. Ук программа дугайында ТР-нин Күш-культура болгаш спорт талазы-биле күрүне комитетинин даргазы Сергей Ынаажыкович ООРЖАКТАН айтырарывыска, дараазында харыны берген.

## СУБЕДЕЙЛЕРНИ ӨСТҮРЕР БИС

Күш-культура болгаш спорт адыры нийтилелде дыка хей хүлээлгелерни күүседип турар: кижинин күш-дамыр сайырлары, мөзү-бүдүжүнүн шынарларынын хевирлетинери, чоннун хостуг үезин организастаары, аарыгларны болдурбазы дээш, оон-даа өске.

Күш-культура болгаш спорт чурттакчы чоннун назыхар болгаш социал байдалы хамаанчок шуптузун хаара тудуп турар. Эде тургусту-нуушкун үелеринин мурнунда чылдарда «Спартак», «Урожай» деп спортчу нийтилелдер болгаш бүдүрүлгелерге спорт талазы-биле инструкторлар дээш бистиң адырны харылап турган 100 ажыг кижилер ол бүдүрүлгелер-биле катая ажылдаваастаан. Ол дыка улуг чидирг. Ындыг турбуже ТР-нин Чазаа, ТР-нин бирги Президентизи эрткен чылдарда берге экономиктиг байдал турза-даа, дыка хей чүүлдерни кылып чоруткан.

Өске девискээрлерге деңзэрге, республикада чангыс-даа спорт школазы хангын-маан, немей 3 албан чери ажыгтынган. 15 спорт залы туттунган. Ооң-биле чергелештир күш-культура болгаш спорттуң сайзыралынын нийти байдалы бисти оожургатпас ужурлуг.

Күш-культура болгаш

спортка хандыкшааннарнын нийти саны ТР-де чурттакчы чоннун 12 хуузундан ашпас, өске чурттарда ол көргүзүг 40-60 хуу болуп турар.

Материал-техниктиг баазаны быжыглаары, кадрлар белеткээри — бөгүнгү чугула айтырыгыларывыс бо. Республикада 425 спорт черлери, оон иштинде 155 спорт залдары хары угда 10 муң 526 кижини азы нормативтин 16,9 хуузун хаара тудар аргалыг.

Мөңгүн-Тайга кожуунда 8 спорт черинге 117 кижича хаара туттунар, Чеди-Хөл, Тес-Хем, Сүт-Хөл кожууннарда байдал база оон дээрдевес.

Бо адырда кошкак материал-техниктиг бааза чурттакчы чонну база дүвүредип турар деп чүвени ТР-нин Чазак Даргазынын сонгулдаларынын үезинде күш-культура болгаш спортка хамаарышкан 25 чагыг-дилегиниң 20-зи спорт залдарынын тудуунун дугайында болганы бадьткап турар.

10 муң чурттакчыга хамаарыштыр кадрлар-биле хандырылга 20-даа кижича четпес, кудуку чижек 26 кижича (РФ-те 13 кижича). Күш-культура болгаш спорт адырынын 651 специалистеринин 237-зи дээди

эртемниг (37 хуу), уругларнын спорт школаларынын 275 тренер-башкыларынын 41-и дээди эртемниг (15 хуу), Ак-Довурак хоорайда 30 ажылдап турар башкыларнын чүгеле чангызы дээди эртемниг, а Каа-Хем кожуунда ол чургайлар — 25 биле 2, Өвүрде — 25 биле 3, оон өске кожууннар-

**Бистиң салгалывыс келир үеде езулуг сүбедейлер болзун дээш кижича бүрүзү күш-культурага хандыкшып, уругларыңарга күш-культура чиир чем дег херек чүүл-дүр деп чаңчыктыларыңарны күзээр-дир мен.**

да база шоолуг-ла бедивес. Чурттуң дээди өөредилге черлеринде келир үениң күш-культура болгаш спорт талазы-биле тускай эртемниглерин болур 20 студентилер өөренип турар. Ол эвээш дээрзи билдингир, дарый тускай эртемниглерин белеткээри негеттинип турар. Амгы үеде Омскинин күш-культура институтунче бот-өөредилгелери өөренип кирип алыр аргалар бар.

Школа назыны четпээн уругларга албан черлеринин, өөредилге болгаш спорт албан черлеринин амгы үениң спортчу дериг-херекселдерин биле хандырылганы бир кончуг чидиг айтырыгыларнын бирээзи болуп турар. Чоокку үелер-

де ол айтырыгыларны шийтпир-лээри негеттинип турар.

Кадыкшылынын аайы-биле тускай чийгелделиг күш-культура бөлүктеринде өөреникчилерин болгаш студентилеринин саны 4902 чедип турар. 2001 чылда 51 оолдарны шериг албанындан кадыкшынын байдалын көргөш, хостаан. Назы четпестеринин болгаш аныктарнын аразында кем-херек чүүлгедир чорукхуннун чидиг айтырыгы болуп артыпшаан. Ынчангаш күш-культураны болгаш спортту социал эптеш чок болуушкуннарга удур ажылгаар үе келген. Ук программа күш-культуранын болгаш спорттуң ролон бедидер база ынаар хей чонну хаара тудар.

Бо программада көрдүнгени-биле хей-хей суурларга болгаш Кызыл хоорайга спорт черлери туттунар база чаарттынар. Кызыл хоорайда национал парктын хол бөмбүү ойнаар шөлдерин тудуун доозар, спорт ордузун тудар дээш эде кылыр өске-даа черлер база бар. Көдээ черлерге хамаарыштыр бо программада Эрги-Барлык, Кара-Чыраа, Кызыл-Хая, Арыг-Бажы, Хорум-Даг, Успенка, Чал-Кежиг,

Чаа-Хөл суурларга спорт залдарын тудары, бар тудууларны эде кылыры азы доозары көрдүнген.

Республикада күш-культура болгаш спорт талазы-биле хемчеглерни силерге таньштырып тургаш, спортчу маргылдааларны эрттиржи, деткип турарларны демдеглекседим. Ол дээрге хуу кижилерден Алексей Хомуш-ку. Ол спортту сайзырадырынга эвээш эвес улун кирип чоруур кижича, эң ылангыя бичи уруулар аразында маргылдааларга деткичилеп чорууру мактанчыг. Албан черлеринден «Тывахарылзааинформ» ажылдакчыларынга күш-культура-биле хандыкшып арганы берип, маргылдааларга доктаамал дузанын көргүзе бээр. Аныктар комитети хоорайнын бичи оолдарынын аразында бут бөмбүүн эрттирип турарын канчап демдеглевес боор. Келир үеде кадык салгалды арттырарындан артык улуг буян кая турар. Бистиң салгалывыс келир үеде езулуг сүбедейлер болзун дээш кижича бүрүзү күш-культурага хандыкшып, уругларыңарга күш-культура чиир чем дег херек чүүл-дүр деп чаңчыктыларыңарны күзээр-дир мен. Чаа программа-биле чаа-чаа бедиктерни ажып, быжыг кадыкшылыг өг-бүлелер хүн бүрүде немешсин деп йөрээп каайн.



## Малга ынак өг-бүлө

## УЗУН ОРУККА УЖУРАЖЫЛГА

Кызыл — Мугур-Аксы дорт автоорукка эрткен чазын интеллигент өг-бүлө-биле орукка кады чорааш, таньжып алдым. Чеди-сес хар хире бир оолдуг. Өг-бүлениң херээжен ээзи иштиг, божуур айы үнүп келген шинчилиг көстүр. Карак чырып алыры чоокшулаанда болза, турамык, чоргаары, чүрек чок дидими хая-дашсыг. Узун орукту эрткеш-даа, шылагзынганын ол көргүспеди. Чүге-ле ийик, бо херээженни көргөш, угбам Киштеектиң эрткен-барган үелерин сагындым. Инектерин кежээ сагаш, бызааларын биске туттургаш, бир катап ол-ла дүне оол уруг божуу.

## 1. "КАРА ТУФЕЛЬДЕР"

Эртен оттуп келиримге, угбам багайтыр баштактанып, уруун эмзирип олуржук. Мегерей оглунун хирнин кескенин, мээң одунмазымны ол ирейниң магадаанын дьлннатты. Кызыл-Даг сумунун аалдары Булуң-Терекке сууржуң амыдырап эгелээн. Аалдарга ийи-үш инек арткан. Артканын ниитиниң өңчү-хөренгизи кылдыр шилчиткен. Чүгле озалааш черлерде эвээш санныг өрегелер хууда амыдыралындан туттунмушаан. Ажы-төл төрүттүнерге, мал ээлеринче хой дилеп аалдаар бир кезек үе тургулаан. Чоорту ол езу-чурум колхоз малын кадарганнарже шилчий берген чүве.

Божудулга эмнелгезинге баш удур чыдары ам-даа шуудаалак. Кол чылдагаан улусчу эмчи Мегерейде турган. Барык тоолчургу мындыг чугаа бар. Ол аныяанда Адар-Төштөп Баян-Дугайда төрелдеринче аалдап бар чыдырда, (амгы шагның салгалынга бүзүренич эвес болгу дег) кадайының эди орукка аарый берген. Январ ай. Орукка төл төрүттүнген. Дедир аалче чоруур эвес, оруун улаштырган. Баштай душкан аалдың улузу черге төрөөн оолду эзержип тургаш, азырап алган дээр.

Амыдыралдың көшкүн малчын овуур-хевири тергиин, депшилгелиг деп алгап-мактаар, йөрөөл салыр аян-шинчи менде чок. Чүгле кадык-шыырак салгал ук бүдүш-турушка ижигип шыдаар. Мөңгүн-Тайганың мээң-биле кады орукка чоруур өг-бүлениң херээжен эезиниң чоргаар, хедерин кайгап, ооң баажызын билип алыксап чордум.

— "Кара тувельдерим" сакты бердим — деп, өгнүң эр ээзи орукка каш-даа катаптады.

— Ол канчап-даа барбас, аван сенден артык карактаар — деп, кадайы удурланды.

Өг-бүлө бот-боттарынга демей эвес, "сен-меннежил" база эргеленчирин билбес болган мен. Бир дьннап олурарымга, эр мырыңай хөлүн алдаар чыгылы... Иштиг кижиге — дириг бурган-чаяанга болчуп, эрни түр бастырдым.

— Канчап бардың, кадайың-биле чүге маргыжып ор сен, ашак — дей кааптым.

— Мен ашак эвес мен, көрүп ор шейил сен — диди.

— Ашак эвес болзунза, кадайың кымдан иштелип алганы ол? Ийи кыстыг, бир оолдуг мен, кадайым ам оол божуп бээр деп чүнүл? — дидим.

— Шак ындыг аян-биле алырга, ашак мен харын — дээш, ол каттыра каапты.

Сөс-биле чижилге соонда таньжып алдым. Эрнин ады — Ак-оол, ооң өөнүң херээжен ээ-

зиниң ады Долаана, фамилиязы — Кара-Донгак.

— Каш чыл бурунгаар арат ажыл-агыйын тургузуп алдым. Кайымыс-даа Мугур-Аксында уругларның музыка школазында. Долаана Манзырыкчиевна — хөгжүм башкызы. Бир кезек үеде башкылар шалың албайн турган. Ам канчаар, шаг-үениң бергезинге бастыраар эвес дээш, мал тудуп кирген бис. Шээр мал бо черге өзүген-дир дээш, хойнун тыва уксаазын Ак-оол Чылбай-оолович дээрже үндүр мактады.

"Кара тувельдер" дугайында ооң чаптанчыг төөгүзүн бо удаада кысказы-биле тайылбырлап көрейн. Кайы-даа кожууннарның мал ээлери чылгы, мыйыстыг бода болгаш шээр малын албан шола-биле ылгай адаар. Бир катап Ак-оол Чылбай-оолович төрүүр дошкун хоюн соок кыжын черге ышкыныпкан. Кежээ дургузунда дилээш, чер караңгылай бээрге, бажын туттунуп, чанып келген. Хондур уйгу удуваан. Чер кыры чырыры билек, катап дилеп чоруп каан.

Мал ээзи чөгөл төнгөш, бажыңче чанып олурда, хаттан ыжык черде черге төрөөн малдың барааны көзүлгөн. Чанынга чеде бээрге, дөрт буду майыктан куду мат-кара ак хураган иезин долгандыр "танчылап" турган. Аа сүт ээпкен чаш малдың дези, ооң иезиниң каржы-дошкуну Ак-оол Кара-Донгакты база катап кайгаткан. "Өжешкек" иешкилерни ол черге каапкан. Бажың база ырак эвес боорга, бир каш хойну үндүргөш, чаш төлдүг хойну каттыштырып алган. Хой кажаазынче кири сүргөш, "Кара тувельдерни" холга тудуп алкан. Чаш хураган соок-чарга кулак-кудуруун-даа үжүтпээн болганынга ол амыраан.

— Тус черниң бурунгу уксаазы соокка кайын белен доңар, иезиниң аа сүдү ол хире камгалал күш-түр — деп, Ак-оол Чылбай-оолович тайылбырлады.

— Тыва уксаа сонургап чоруур ажылдакчылар-дыр силер, бистиң мал-маганымысты сонургап көргөр. Ак-оолдун авазының хой тоотпалаары дьннаай... — деп, Долаана Манзырыкчиевна бисти бажыңынче чалаан.

## 2. "ШИМЧЕП ЧОРУУР ТАЙГА"

"Малчын" каттышкан күрүне бүдүрүлгезиниң малчын коданарын бүдүн чартык хүн сонургап кезээш, хүннүн ийиги кезиниң кол нуруузун Мугур-Аксы суурнун Эрик кудумчунун ийи дугаар бажыңынга эрттирдивис. Ак-оол Кара-Донгак — хой, өшкүзүнүн аразында. Долаана Манзырыкчиевна бажыңында бистиң келиривисти билгензиг олур. Ооң арты-иштин уруглары,

оглу ээлей маңашкан тур.

— Хой өстүргеле чеди чыл болдувус — деп, ол каттыргылады.

Мал эмчилериниң айтып бергени езугаар "Аристок-3" вакцина, өске-даа эм-таңны төрүүр малга ажыглап турар. Кадыг-дошкун агаар-бойдустуг черге час чамдыкта кыштан дора. Саргыларга удур тарылганы мал эмчилеринге олар тарыдып алган. Ол, өске-даа тайылбырларны дыңнааш, чеди чыл дугайында билишкиннерниң дугайында чоннун аас чогаалын хары орнунга чугааладым. Ол хире хуусаа профессионализмниң эң дээди деннелин хандырып болур. Дезевилей алырга, "Чеди чыл болган курт изин истеп тып ап шыдаар аан".

Кара-Донгактарның чурттап оран бажыңы, кажаа-хораазы төп кожууннарның оран-савазындан безин ажа дүжүп турарын көрдүм.

— Ак-оол мурнуку чылдарда корум-чурум камгалаар органдарга ажылдап чораан. Ол албан чериниң шала хирелиг эдилеп турган бажыңын хуужудуп алганымыс ол — деп, хөгжүм башкызы чугаалады.

Өгнүң эр эезиниң тудуг ажылынга сонургалдыын Улуг-Хем биле Чаа-Хөл ийи кожуун

аян-шинчилиг. Быжыкы, камгалалды кедергей. Ону ажа халыыр, кырынче үне дүжер аргажок. Шак ол хире ажылчын, шевер кижиге, үези бар болза, бүдүн орду-даа тудуп ап болгу дег. Ол мурнуку чылдарда он ажыг сарлык тудуп турган. Даг-даштан озалааш, суур кыды черге сарлык кайын ызыргып ийик. Кажаага тудуп, сиген-биле чөмгөрүп-даа чадап каан.

— Дээр бүргөп чүдөрээрге, сарлыктын тыныжы кыскалай бээр, даг черлерже девиржидер. Хөөкүйлер ынчан кээргенчиг. Бойдустан кадыг-дошкун черге турар кылдыр чаяттыңан малды чанымга ижиктирип чадап кагдым. Дошкунура хона берген сарлыктын барааны түрлүг-ле: "Шимчеп чоруур тайга!" Дезевилей алырга, сарлык Тываның,

Сайырга кыштаг тудуп алырын планнап турар. Сарлык өстүрер бодап турар өг-бүлелер хөй болбайн аан. Шыны-биле алырга, сарлык, малдың өске-даа бажын тудуп өстүрерге, чаш ажы-төлге, оларның келир үезинге улуг идиг. Экология талазы-биле арыг чөм ажыглап турар болгаш, Долаана Манзырыкчиевнаның божуур айы үнүп-даа келирге, чоргаар болгаш сула чаннап, чер аразының ыраан-даа херекке албайн турарының баажызы — малда. Ындыг иелер республикада ховар-дыр ийин. Ынчангаш аныяк, иштиг херээженни, үш танывас кижини ачамның думазы Киштеек угбамга демей-лээним-даа ол. Малдыг кижиниң балдыры дьнызыг.

— Сигенни кыш удур долгап алыр бис. 200 ажыг долгак төрөөн



Мөңгүн-Тайга сарлык-биле чараш оран.

аразында Чарының-Арт деп арт кырында пассажирлер доктаап дьштаныр турлагга көрдүм. Ында дүжүргөн тудуг материалдарын ооң магадаанын сонургавас аргам чок.

— Меңээ мындыг материалдар болза, бо кижиге чүнү-даа тудуп, кылып алыр-дыр ийин — диди.

Ак-оол Кара-Донгактын бажыңының девискээри, ону долгандыр тудуп алган херими

Мөңгүн-Тайганың кадыг-дошкун агаар-бойдузунун, долгандыр хурээлелиниң овуур-хевири-дир. Ооң бараанын көргөш, солун-солун чүүлдерни тып, танып ап болур. Хөөредирге, тоол-дур ийин. Сарлык чүгле мал эвес, тыва кижиниң сагыш-сеткилин, угаан-бодалының каастакчызы — деп, ол демдегледиди.

Сарлыкты суурга тудары колдуу болдунмас. Ынчангаш Ак-оол Чылбай-оолович Кызыл-

шээр малга, ооң чаш төлүнге четчир. Төрүүр хоковус 70, өшкүвүс — 30 — деп, Долаана Манзырыкчиевна биске чугаалап турду.

Хой одарладыр девискээри элбек: Кара-Даг, Алды-Сайыр, Үстүү-Сайыр. Одар-белчириң бараанын көөрге курут, чүү-даа чок сагындырар. Херек кырында кайын ындыг болур ийик.

## ДУС-ХӨЛ

Сөзү К.Черлиг-оолдуу. Аялгазы Ч.Оюннуу.



Хову черде мөңгүн хөлүм  
Хоюнады чалгып-чалгып,  
Эми-биле, дому-биле  
Энерелин сөннөп чыдар.

О, бурган, Дус-ла-Хөлдүн  
Онза чылыг чалгытлары.

О, бурган, Дус-ла-Хөлге  
Омак-сергээм кайынын келди.

Тулган хоюг аялга дег,  
Дузу-биле хулур-хулур,  
Ачы-домнуг аржаанымга  
Амыр-кадым экижиди.

Хензиг салгын үрүптерге,  
Чалгытлары бырлаң-бырлаң,  
Хээлиг изин элезинге  
Чалдай-чалдай самнап чыдар.

О, бурган, Дус-ла-Хөлге  
Омак-сергээм дендей берди.

## Сайлыкмаа КОМБУ

ХООРАЙ ЧЕРГЕ ИЖИГИП-ДАА  
ЧАДАП ЧОР МЕН...

Хоорзуннарга  
хондур-дүндүр  
дылдыраткаш,  
Хонак тыппаан  
күжүгөн дег  
муңгашталып,  
Хорум даштан  
бедик чалым,  
ышсыг, ышкам  
Хоорай черге  
ижигип-даа  
чадап чор мен...  
Көк-көк даглар  
аразында  
аалым сактып,  
Көзүр адаа  
хөрүктелип  
чударады.  
Салгын-сырын  
чараш самын  
чоктап, човап,  
Сагыш-сеткил  
самдарарып  
түлей берди.  
Ховаганнар хостуг,  
чассыг ужул,  
киискээн.  
Коңгураалыг  
хову-шөлүм,  
делгем шынаам  
Дүмбей дээрден  
сылдысталып,  
сыртыым үжеп,  
Дүнелерде  
дүжеттингеш  
туруп берди.  
Буян долган  
кестеринде  
оттар хыпкан,  
Буурул баштыг,  
оккур сөстүг  
ирейлерниң  
Таакпы тиккен  
даңказынын  
ыжы безин  
Тальгырдан  
эмзиг-чаагай  
чытталыр-дыр.  
Коңгургайны,  
хойнум иштээн  
шелер хомус,  
Хондур-дүндүр  
үзүктөл чок  
хоптанып тур.  
Хорум даштан  
бедик чалым  
ышсыг, ышкам  
Хоорай черге  
ижигип-даа  
чадап чор мен.

## ЧӨПШҮЛ ДЕҢИМ БАРААН БОЛУП...

(Бир номнуң төөгүзүңге хамаарыштыр)

Амгы делегейде уран чүүлдү сонуургавас кижик кайда боор. Ном, кино, телевидение, радио, театр, хөгжүм, уран чурулга бистиң чуртталгавысче шымып кирип келгеннер. Ангы-ангы уран чүүлдүн хевирлеринден литература кижиге салдар чедирер талазы-биле үнелеп четпес салдарлыг. Амгы тыва шүлүк чогаалында өгбө шүлүкчүлөр-даа, шала улгады берген болгаш чаа шүлүк бижип эгелеп чоруурлар-даа бар. Чаа үнүп оорол "өзүмнерниң" аразындан Меңги Ооржактын шүлүктөрүн кижик черле эскербейн эртип шыдавас. Меңги Ооржак "Чөпшүл дең" деп номун чырыкче 1999 чылда "Аныяк" типографиязынга парладып үндүргөн. Бо чүүлге номнуң канчаар тургустунганының дугайын чугаалаарын оралдакчы көрейин. Ол бүгү чогаадыкчы төөгүге хамааржыр.

"Чөпшүл дең" деп ному ийи экземпляр-биле үнгөн. Бирээзи — "Чалгыт" деп дептержигеш. Меңги Эдуард Мижиттин чогаадыкчы студиязынче барып тургаш, ол дептержигешти 1996 чылда-ла белеткеп алган. Ынаар бодунуң шүлүктөрүндө аңгыда, Лазарь Кокышев, Александр Ердеев, Сазон Суразаков дээн ышкаш алтай шүлүкчүлөрү шүлүктөрүниң очулгаларын кириген. Ук дептержигеш чогаадыкчы студияның ады-биле адаттынган. Кара квадрат — студияның эмблемазы-дыр. Ол дээрге чаңчылчаан тыва шүлүк хемчээлинден болгаш аян-нажылгазындан дашкаарлап, утка, тургузуг талазы-биле кызыгаардан үнө берген дээни ол чадавас.

Үстүнде адаанывыс дептержигештиң соонда, 1998 чылда, "Аныяк" типографиязынга бодунуң саазына 20 экземплярлыг "Сээң ырың кайын уттур..." деп ном үнгөн. Ук номга ийи чурук каасталгазы кылдынган турган. Чурукта амгы көдээ амьдыралды (чурук №2) көргүскен турган. Чүге дизе автор боду — база малчын улустуң оглу. Ынчалза-даа херээжен кижиниң овор-хевири аал кырында "салдап" турарына автор таарзынмаан. Ынчангаш ол чуруктуң ийги вариантызынга доктааган. Ол номнуң чамдык экземплярлары Пушкин аттыг национал, Чуковский аттыг уруглар библиотеказында, ТКУ-нун филология факультетинде бар. Ол номче верлибрлер база кирип турар. Верлибр дээр-ле четче сөглеттинмээн шүлүктөр, ону номчукчу кижик боду чедир даап бодап аар ужурулг.

"Сээң ырың кайын уттур..." деп ному автор сөөлүндө "Айсберг" (меңге дош) деп база

адап аар деп турган. Ооң 3/1 кезии суг адаанга чоруур. Улуг "Титаник" безин айсбергке таварышкаш, суг дүвүңгө барган болгай. Авторнуң бодунуң ады база Меңги, Меңге дээн уткалыг. Ооң-биле база харылзаа бар.

Меңгиниң төрүттүнүп өскен чери Хемчик хемниң эри, ол Улуг-Хемче кирип чыдар, ооң соонда Енисейге каттыжар, оон Соңгу-Доштуг океанче езулуг-ла айсбергтерлиг океанче кирип чыдар. Азы делегей лите-ратуразынче орук дээн утка база бар хевирлиг. Авторнуң шүлүктөрүн бир дугаар чүгүртү ном-чааш, кырындан эрте берип болур езулуг ханы бодалдар суг адаанда айсберг дег чажыртынып чыдар.

Ном чүге "Айсберг" деп ат-биле үнмейн барганыл? Билдин-гир, ийи шүлүкчү бо атка арай таарзынмайн барган. Бирээзи "айсберг" дээр-ле тыва эвес сөстүр, ынчалза-даа авторнуң эргези ыйнаан дээн. А өскези "Бодунну тергиин аар деңзилиг шүлүкчү деп санап турарың ол бе?" — деп баштактанган. Амдызында ол ат-биле адап аар болза, эмин эрттир апарбас бе, сөөлүндө дуржулгалыг апаргаш, шилинди шүлүктөрү чыындызын үндүр-рерде ынчаар адап алзыңза дээрзин сүмелээннер. Автор оларның-биле чөпшээрешкен.

Автор-даа, бөлүк шүлүкчүлөр-даа "Чөпшүл дең" деп атка доктааганнар. 200 экземпляр-биле 1999 чылда "Аныяк" типографиязынга "Чөпшүл дең" деп авторнуң шүлүктөр чыындызы үнгөн. Ному А.А.Даржай, Э.Б. Мижит редакторлааннар. Чурук каасталгазын А.А.Ховалыг, В.У. Донгак кылганнар. Номнуң өңү көк, деңниң чуруу сарыг өңнүг. Чоокта чаа немей үнгөн номнуң өңү куу болгаш деңниң хевирин



бичии-ле өске. Ынчангаш ном "Чөпшүл дең" деп ат-биле үнгөн. Чүге дизе Меңгиниң аажы-чаңы база чөпшүл, дыңнангыр, оожум, ол атка дүгжүп турар.

Дең — чырыткы. Ооң сорун-зазы база бар. Деңни көөрге дириг, хөлегези шимчеп турар-даа ышкаш. Көдээге узун, кышкы кежээлерде тывызыктажып, тоолдажып, аш-чем кылып алгаш оорга, кайы хире эки ийик! Кышкы кежээлер авторга уттундурбас солун турган чадапчок.

От — чаякчы. Деңде база от бар болгай. От — чырыткы биле идегелди, ынанышты холбаштырып болур, хензиг чырыткы безин сагыш-сеткилге чоок. Автор Цин Гуаньнын "Оттуп келдим. Деңим чыраан..." деп одуругларын анаа эвес номунга эпиграф кылдыр алган. А Меңги Ооржак боду мынчаар бижээн:

**Чөпшүл деңим орайга дээр бараан болуп,**

**Чөгөл төтпейн, улам чырык кыпшышаан тур,**

**Шөлээн эзеп, дүш чок оорат кончуумну аар.**

Чогуум ном калбак номчук-чуга ам-даа четпээн. Ооң чылда-гааны — номнуң эвээш тиражында. Тываның ном үндүрер черинге ооң тиражын көвүдөдир үндүрери көрдүнүп турар. Чедер-четпес чүүлдөр ам-даа бар, автор ам-даа ному-биле ажылдаар. Ынчангаш ооң "Чөпшүл дең" ам-даа улам чырык кыварын авторга күзеп артывыс.

**Радион ДОНГАК.**

*Бил-Хем, Өөк суур.*

## СОЛУН БЕЛЕК

Октябрь айның эге хүнеринде юбилейлер хөй болган. ХКД чурттарының 11 Президентилери болгаш Туркменистанның сайыттар кабинетиниң даргазы Реджеп Сапаров Кишиневка ээлчеглиг шуулганың ажылына киржип турар үеде, тодаргайлаарга октябрь 5-те, Таджикистанның президентизи Эмомали Рахмонов 50 харлаан, октябрь 6-да ДнепроГЭС 70 чылын демдеглээн, а октябрь 7-де РФ-тиң Президентизи В.Путин 50 харлаан юбилейин демдеглээн.

Молдавияның президентизи В.Воронин В.Путинниң юби-

лейин молдав черге демдеглээрин улуг буян деп демдеглээн. 12 күрүнениң Баштыңнарынын шуулганы доозулганда, В.Путин оларны Россияның Молдавияда элчин чериниң Тооруктуг залынче чалаан. Тускай езулал эрткен соонда, олар Кишиневтан ырак эвесте Криково суурга баргаш, чер адаанда каш чүс км черде шөйүлгөн арага шыгжаар подвалдарны көргөн. Ол подвалдар каш хонук бурунгаар база 50 чыл болган. Тускай экскурсия үезинде хөй хевирниң кызыл арагаларын шенеп, амзаарына президент бүрүзү адак дизе-ле, 30-30 долларны чарыгдан.

Чогуум В.Путин Кишиневка чоруп турда, чүнү белекке бергени журналистерге дыңнатпаан, ынчалза-даа бир албан черинден сыстып үнүп келген медээден алырга, юбиярга 80x80 см хемчээлдиг, эттеп каан хаван кежинде танчылап турар молдав аныяк кысты болгаш оолду силбээн хевисти белекке берген бооп турар. Ол ышкаш Владимир Воронин кызыл арагаларның ховар дээн коллекциязын В.Путинге белекке бергени билдинген.

**"Российская газета"**  
солундан.